



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

5594

5595

5596

5597

5598

5599

5600

9(47.925

S-46



№ 65.

Մանուկ հասցեագրած
Տիր Կառնաթու Լիւն

9047.925) Խ Օ Ս Ք
S-46 սփ

465-1

ԶԼԱՅՐԵՆԵԱՑ

ՎԱՀԱՆ ՎԱՐԴԱՊԵՏ

ՊԱՐՏԻԶԱԿՑԻ

Համ. 65



Կ. ՊՕԼԻՍ

ԱԳՐՈՒԹԻՒՆ Ա. Ղ. ՊԱՐՏԻԶՊԱՆԵԱՆ ԵՒ ԸՆԿԵՐ

1879

12955

2 0 6

Ա.Ո. Ամենապատիւ Տ. ՆԵՐՍԷՍ
Արքեպիսկոպոս Է. Պատրիարք Կ. Պոլսոյ

Տէ՛ր Հայր ,

Ձեր հնգամեայ պատրիարքական շրջանին մէջ
եթէ ունեցաք քանի մը մեծ դործ , ի նոցանէ մին՝
ի Բարձր եւ ի Փոքր Հայս առաքելութիւն մը յղելք
եղաւ : Սոյն առաքելական պաշտօնը ժողովրդեան
վերայ բարոյական անհուն արդիւնք ունենալէ զատ՝
Հայաստան Ձեզ ներկայացաւ իւր ժողովրդովը , Հա-
յազգի եւ այլազգի , քաղաքներովն ու գիւղերով ,
լեռներովն ու դաշտերով , իւր ամէն ներքին եւ
արտաքին երեւութովը : Բաց յայսցանէ՛ ինձ վիճա-
կուած բաժինն , որ արցունքով եւ արիւնով ողող-
ուած էր , մազ մնաց որ աշխարհի ի հանդէս ելնէր
մի ամենասարսափելի տեսարանով : Եթէ Դուք՝ Ձեր
նախորդներուն նման զիտէիք քաղաքական աշ-
խարհի նկատումներն ի մասին Հայաստանեայց, գաղ-
թականութիւնն՝ որ յիսուն տարի յառաջ կործա-
նած էր Հայաստանը , նոյնը պիտի բնէր անշուշտ, ա-
ռաջինէն տխուր եւ տարօրինակ կերպով : Մեր ժո-
ղովուրդն՝ որ իւր հայրենիքէն դուրս հողի եւ փո-
ղի ակնկալութեան մէջ կ'երազէր , այս անգամ իւր
սնակն ու պարէն այրելէ զատ , ոչ թէ միայն օ-
տարին հողէն ու փողէն պիտի զրկուէր , այլեւ իւր
սրտին հատոններն ալ զոհելով գլխիկոր վերադա-




4886
38

2 0 0 4

նալ պիտի ստիպուէր անտուն եւ անօթի, ակող եւ թշուառ : Հրահանգներդ՝ զորս առաքեալդ ի գործ դրաւ . յաջող ելք մը ունեցան ըստ կարելոյն : Ձեր վերայ ոչ թէ վսեմ. Լազարէֆի եւ Տէր Ղուկասօֆի նման հանձարեղ եւ ուժեղ Հայ անձեր ըսքանչացան, այլեւ նոյն խկ Ռուս բարձրաստիճան սպայներ եւ ֆիւրա պէյեր : Այսպէս հարիւր հազարաւոր Հայաստանեայք երբ զՁեզ կ'օրհնէին, հոս յաչաղկոտ մարդիկ կը սնտորաբանէին, եւ այն գործն ու գործիք՝ որ մեծ գովեստի եւ խրախուսի արժանի էին, անյիշատակ կը մնային . . . քայց Աստուած եւ Ազգայինն պատմութիւնն ո՛չ բնաւ ի մոռացոնս պիտի թողու, որք յանուն հայրենեաց օգտին վաստակեցան, քրտնեցան եւ զո՞նեցան : Ուստի եւ սոյն գրկոյկը, որ Հայաստանի եւ Հայաստանացւոց արդի եւ նախնի վիճակին մէկ մանրանկարն է, զոր Սրբաքէօյի լսարանի մէջ ի հանդէս հանի, ըստ յատուկ թախանձանաց ազգասէր մերայնոց եւ օժանդակութեամբ ազնիւ բարերարի ուրուք՝ Ձեր յիշատակաց արժանի անուան կը նուիրեմ :

1879 Ապրիլ 2

Խոնարհ որդեակ Ձեր
 Վահան Վարդապետ
 Պարտիզան



ԽՕՍՔ ԶՀԱՅՐԵՆԵԱՑ

Ա.

Նախաբան . — Պոնտական Հայք . — Չարչաման, Տրապիզոն եւ Կիւմիւշխանէ . — Խաղտիք . — Համշէն եւ Արդուին, Արտահան եւ Արտանուչ . — Բարձր Հայք . — Բաբերդ եւ Սպեր, Կիսկիմ եւ Թորթում, Դերձան եւ Երզնկա, Կամախ եւ Քղի, Ղուզիչան եւ Տէրսիմ, Կարին եւ Բասեն, Պայաղիտ եւ Ալաշկերտ :



Ազնիւ Տերաք եւ Տիկնայք,

Ուրախ եմ, որ այժմ պատիւ կ'ունենամ առ Ձեզ խօսիլ, առ Ձեզ՝ որ լի անշուշտ համակրանօք և փափաքանօք յանուն մեր Հայաստան հայրենեաց հոս ակմբեալ էք լսել ինձ . ինձ՝ որ ի մերն Հայաստան աշխարհ հերու սյցելութեան ունեցայ պաշտօն . ինձ՝ որուն այս երիցս վիճակեցաւ յանուն ապագայի հայրենեաց՝ մեր հին երկիրը վարէն վեր չափել : Թափառեցայ մերթ վարժապետ և մերթ վարդապետ : Դրեթէ 13 տարի յառաջ լի պատանեկան խանդով եւ յուսով Պօլսոյ փողոցներէն բարձրացած էի ի բար-

ձունս Տօրոսի . հոն ի Չէյթին եռամեայ վա-
րեցի պաշտօն դաստիարակի և դրեթէ ձրի :
Քանին լուսով յաջողիլ կը յուսայի , ինչ որ
կարելի չէր եղած սուրով : Բայց զի լուսոյ
ծաւալն ընդարձակելու համար բարձր կարո-
ղութեան մը պէտքը կար , երկիցս յեզիպ-
տոս և ի Պօլիս փութացայ . բայց աւանդ ,
այն ժամանակուան՝ ազգին ամենէն մեծ և
հարուստ , ազնուական ու հանճարեղ մար-
դիկ կարծուածները վրաս ծիծաղեցան , ես
ալ նոցա վերայ ծիծաղելով՝ առանձնացայ ,
վանական եղայ , Բայց զի սիրտս և հոգիս ի
յուշ մեր հայրենեաց կը յուզուէն միշտ , և
որովհետև արտաքոյ հայրենեաց՝ հայրենեաց
վրայօք խորհիլն ու գործել այնքան օգտա-
կար դաւանողներէն չէի , ուստի վերստին
թափառեցայ . յուսացայ բայց յաճախ յու-
սահատեցայ , վասն զի ի Հայաստան ուր մարդ-
կար , հոն կամ դրամ չկար և կամ լոյս , այ-
սինքն ի պատրաստի կարելի միջոցներ չկա-
յին : Ամէն ուրեք ուր հայ մարդը կ'ապրէր ,
հոն խաւարն ու աղքատութիւն տիրած էր :
Հազարամեայ զարհուրելի հարստահարու-
թեան մը տակ՝ զոր գիտէք և լսած էք ազ-
գային պատմութենէ և աւանդութենէ , ժո-
ղովուրդն ապուշ աղքատ դարձած էր , իսկ

ժողովրդէն վեր եղող դասը բռնաւոր կամ
բռնաւորին գործակից : Գիտեմ , դուք պիտի
տխրիք և դուցէ ձենէ շատերն իսկ սրտմը-
տին , որոց ականջներն արդէն վարժ իսկ են
սուտ և փաղաքուշ խօսքեր լսելու Հայաս-
տանի վրայօք . գիտեմ , ժողովուրդը կը հակի
աւելի՝ արտաքին շպարի և գոյնի , բայց ես
այն պարտաւորութեանս համեմատ՝ որ առ
Աստուած և առ Մայր-Հայաստան , ճշմար-
տութիւնն աստ և ամէն ուրեք խօսելէ պիտի
չդեղեւիմ :

Ես Ձեր առջև պիտի դնեմ , ազնիւ Տեառք
և Տիկնայք , մեր հայրենիքն իւր արդի ճըշ-
մարիտ վիճակովը : Այժմէն յիշատակելով մի-
անգամայն թէ տարաշխարհիկ Հայն մինչև
ցարդ ինչ արած ունի իւր հայրենեաց : Մինչ
սա ինքն դաղթական Հայն կը պարապէր իւր
պանդխտութեան շրջանակին մէջ , դէթ մի-
անգամ յիշե՞ց , թէ անդին Հայաստան մը
կայ , որ իւր հայրենիքն է . դոնէ սթափե-
ցա՞ւ պանդուխտ Յունին օրինակէն , որ կէս
դար՝ սքանչելի իմն տընելով՝ կարծես նոր ի
նորոյ հայրենիք մը կ'ստեղծէր , արդի Հել-
լէնաստանը : Ուր յունական տարրն ամէն կող-
մէ շատ ստորին էր : Ո՞ր ժամանակի մէջ մեք
նոյն իսկ մեր Հայաստանն աշխարհազրապէս

ուսումնասիրած էինք. հաւատացէք, նորա
 իսկ, որք Հայաստանի դատին տէր հանդի-
 սացած էին աշխարհի առջև, ունէին ար-
 դեօք մեր երկրին վրայօք վիճակագրական
 (սթատիստիկ) տեղեկութիւններ, այնքան, որ-
 քան պէտք էր: Ո՞ր ժամանակի մէջ տարաշ-
 խարհիկ Հայն իւր հայրենեաց մէջ հասարա-
 կաց շէնք մը, հիւանդանոց և կամ դպրոց
 ևայն, կառուցած էր. կամ թէ՛ « սա հայրե-
 նիքս է » ըսելով հոն օգտակար նպատակի մը
 համեմատ մեծ գործոյ մը ձեռարկած և զայն
 շարունակած էր: Երբ այս ամէնն այսպէս,
 ուրեմն ի՞նչ պիտի ըսէինք այն աստուածային
 և մարդկային արդարութեան, որ մեր հայ-
 բնիքը մեր ազգին պիտի շնորհէր, մինչ
 հայրենիք ու ազգ իրարմէ անշարժ հեռացած
 էին, գո՞գ իրարու անձանօթ էին: Մի զար-
 մանայք, Տեաքք և Տիկնայք, այս խօսածնե-
 ըուս վերայ. օրինակաւ հաստատեմ: Տարաշ-
 խարհիկ Հայն երկու հայաշատ կեդրոն ունի,
 կոստանդնուպօլիս և Թիֆլիս: Այս երկու
 քաղաքներու ամենէն հաշակաւոր տարրան-
 ներէն Հայաստանի վրայօք վիճակագրական
 տեղեկութիւնք հրատարակուած են, մինչ
 Թիւրքին պաշտօնական վիճակացոյցը (սալ-
 նամէ) կը գրէ ճիշդ Թորթօմ մերոնք զայն

Թորդոմ կը գրեն, որ է սխալ: Թիւրքը ճիշդ
 կիսկիմ և ֆղի, մերոնք Գէսքիւմ և Գիյֆի,
 նոյնպէս կիւրիւնը կերօն, Մոկսը Մէքէս,
 կարճըկանը Գաշական, Մօտքին, Մուտքի,
 վարդօն, վարդու, Խոյթը Հայութեայն:
 Իսկ մեր անհոգութեանն ուրիշ մէկ օրինակ
 ահաւասիկ. Թիւրքիոյ այս վերջին պատե-
 ըազմի ատեն երբ մեր Հայաստանը կը կո-
 խտուէր երկուստեք: Այն դաւառներ՝ ուր
 բանակներ կը խաղային և ժողովուրդեան վրայ
 կը ծանրանային, Սպեր, Դերջան, Եզնկա,
 կամախ և ֆղի անտէր էին, պաշտօնական
 մարդ՝ հովիւ առաջնորդ չկար, որով ժողո-
 վուրդը Պատրիարքարանի հետ հազորդակ-
 ցելով կարենար իւր անտէրունչ վիճակն ազ-
 գին և ըովանդակ մարդկութեան առջև դը-
 նել: Այդ 70,000 ժողովուրդը լքուած էր
 մենէ, և ցարդ իսկ պաշտօնական տեղեկադ-
 ըրիս Պատրիարքարանի մատուցուելէ վեց ա-
 միս յետոյ, մեր սահմանադրական վարչու-
 թենէն լքուած է: Ինչ և իցէ, չերկարեմ,
 կանխարանական դիտողութիւններ են այս
 ամէնը. իմ նպատակս է, ո՞ւր պիտի Տեաքք
 և Տիկնայք, որ դուք զգածուիք, և գիտակ
 լինիք, որ մեք մեր հայրենեաց առջև յան-
 ցապարտ եմք, և թէ մեր սոյն յանցանքը

քաւելլու համար պարտիմք դէթ յայսմհետէ
անվհատ գործել, գործել միահամուռ և
փութով, ապա թէ ոչ լուսաւորեալ և զար-
դացեալ դարուս մէջ յաւիտենական ամօթ
և նախաախնք պիտի ունենամք բովանդակ
մարդկութեան մէջ բոլոր յառաջագէտ ազ-
գերու առջև, և թէ պատմութիւնը յաւի-
տենապէս պիտի դատապարտէ ներկայ հայ-
կական ժողովուրդն ու սերունդը:

Արդ կ'ազաչեմ, ազնիւ Տեարք և Տիկ-
նայք, ուշիմ ուշով լսել ինձ, կանխաւ գի-
տելով որ իմաստասիրական և քննադատա-
կան օրինօք երկարօրէն խօսիլն ոչ իմ ու-
սումնական վիճակս կը ներէ և ոչ ժամանա-
կիս սղութիւնը, ես միայն իբր ակնատես
ուղևոր պիտի խօսիմ, ուրեմն առաւել մի
տեղեկաբեր եմ և ոչ այլ ինչ:

Այցելութեանս առաջին դաւառն էր ձա-
նիկ, որոյ 20,000 էն աւելի Հայերն էին
դաղթական Համչինէն, որպէս Համչինցիքը
ևս իսկզբան՝ Անիէն: Գրեթէ 200 տարի յա-
ռաց Համչինցիք հարստահարուելով յանուն
կրօնի, ճարահատած կը թողուն տեղերնին,
և մէկ կողմէն կը դաղթեն ի ծովեզրն ի
Սիւրմէնէ, և միւս կողմէն ի ձանիկ, ի Սիւր-
մէնէ դաղթողք կրկին հարստահարուելով

ալ բոլորովին յուսահատած՝ մահմետական
կը լինին, որք և մինչև ցարդ հայերէն կը
խօսին, իսկ միւսներն ի ձանիկ դաղթողք՝
մերթ տաճկընալով և մերթ աւելի յամառե-
լով և ամէն զոհողութիւն յանձն առնլով՝ ոչ
տեղերնէն ալ կը պճրտական, և ոչ ազգայնու-
թիւննին և կրօննին կը կորուսանեն մինչև հի-
մա. բայց որովհետև մեր ազգին գլխէն ձիւ-
նը պակաս չէ, հազիւ թէ այդ ժողովուրդն
արդի քաղաքակրթութեան շնորհիւ աղա-
տուած էր, յանկարծ թուրքիոյ պետութիւնն
անպիտան ու դող Ձէրքէսներ (40,000) հոն
կը տեղաւորէ, և այսպէս թէ նոյն իսկ թիւրք
և թէ Հայ ժողովրդեան հանդիսաբ կը վըր-
դովի: Իրիս գեա՝ որ մեր Փոքր-Հայքէն կը
բղխի, Միհրդատայ յաւիտենական փառքն
ու պարծանք եզող Ամասիոյ աւերակներուն
մօտէն խոխոջելով աստի կը հոսի ի Սև ծով:
ձանիկի Չարչամպահ քաղաքի հոյակապ շէն-
քը Հայոց եկեղեցին է միայն, քարուկիր և
հոյակապ: Քաղաքին բոլոր շէնքերն ամէնն
ալ փայտաշէն են, չորեքշաբթի քաղաքին
մանրավաճառը (պաղար) լինելուն՝ քաղաքն
առած է Չարչամպահ անունը: Իրիս գեա
այս քաղաքը կիսելով քրիստոնէից թաղը
թրքաց թաղէն կը զատէ, և կամուրջն գրե-

Թէ ամեն տարի կը շինուի և կը փլի ի փառս տեղական վարչային շնորհալիութեանը :

Այս առաջնորդական վիճակն ունի 17 երկեղեցի և 31 դպրոց, զորս վիճակայինք կը հոգան միայն տարեկան հանդանակութեամբ, և ըստ կարեւրոյն ունին ջանք յառաջադիմութեան : Մտ է Չարչամպահ քաղաքի և Թերմէ հին քաղաք, ուր ժամանակաւ հռչակաւոր են եղած Ամազոն (միաստի) կանայք, որոց վրայօք հին պատմիչք տարօրինակ առասպելք հռչակած են : Ի Թերմէ ևս կան քանի մը Հայ դիւղեր :

Թերմէէն ձիով կամ նաւակով հետդհետէ յիւնիա, ի Փաթսա, յՕրտու, ի Կիրասոն, ի Տրիբուլ, ի Կէօրէլի և յԵլէզու հանդիպելով մտայ ի Տրապիզոն :

Թէև կան հետաքրքրական տեղեկութիւններ այս կողմերուն վրայ, և թէ սօքա իրենց հայկական գիւղերովն՝ որք աւելի Համլինէն դաղթական են, բաւական նշանակութիւն ունին, բայց զանց առնելով՝ Տրապիզոնի վրայօք խօսիլ սկսիմք :

Տրապիզոն քաղաք հին և հռչակաւոր, դաւառ երբեմն պոնտական Հայոց, ուր Տորք, Արչակ և Միհրդատ գիւցաղնութեան ասպարէզ ընտրեցին ի փառաւորութիւն Հա-

յաստանեայց, ուր և յեփն ժամանակի մէջ Անիի վաճառման հանրածանօթ թուղթը Հայոցն կայսեր յանձնեցաւ ի յաւիտենական թշուառութիւն Հայաստանեայց : Տրապիզոնի այժմեան Հայք ի վաղուց ունին բնակութիւն աստ, և կայ մի վանք, որ Յունաց Կիոսլէքս կայսեր ատենի ունի սոյն յիշատակագիր, 1324 : Թէև այդ թուականէն 400 տարի յառաջ ևս կառուցուած կ'աւանդուի : Այս քաղաքին մէջ կան հին շէնքեր և յունական եկեղեցիներ, որք այժմ ճաշի փոխուած են : Ժամանակաւ Յոյն աղնուականք տարւոյն ամէն օրուան համար մեծ ու փոքր եկեղեցիներ շինած են եղեր, որոց 24 ը միայն կայ այժմ, և Յունաց սեփական են : Յունաց Այրղոսղոս եկեղեցին թաղուած կայ Վրաց վերջին Սողոմոն թագաւորը : Շէնքերու հնութեան և նոցա վրայ եղած արձանագրութեանց վրայօք գաղափար տալու համար՝ Միջնաբերդին Յունագիր դրեթէ 1200 տարուան սոյն արձանագիրը կը յիշատակեմ աստէն, «յանուն Տեառն մերոյ Յիսուսի Գրիստոսի Աստուծոյ մերոյ, ինքնակալ կայսր Փլարիոս Յուստինոս Ալամանական, Գթական, Փրանկական, Գերմանական, Ատալիկեան, Ալանական, Վանդալական, Ափրիկեան,


բարեպաշտ, բարեբաղդ, վառաւոր, յաղթող, յաղթանակող մշտասերաստ օգոստոս նորոգեաց պատուասիրութեամբ զհրապարակական շինուածս քաղաքիս . . . : (1)

Տրապիզոնի այժմու առաջնորդական վիճակն ունի 35000 Հայ, 62 եկեղեցի, 53 դպրոց և երկու հասութեաւոր շէն վանք: Պոնտական Հայք ուսման և վաճառականութեան մէջ հետզհետէ յառաջանալու վերայ են: Վիճակայինք ընդհանրապէս դըպրոցնին կը հոգան տարեկան հանգանակութեամբ և շարթական թոշակներով: Կան և շատ ընկերութիւններ, որք յատուկ դըպրոց մաղլուխ ունենալով՝ դպրոցի ապագայ կը պատրաստեն և կ'ապահովեն: Ինձ վիճակուած Օսմանեան Հայաստանի բաժնին մէջ այս գաւառէն աւելի յառաջադէմ չկայ: Միայն թէ գիւղական աներ իրարմէ հեռի ըստ երկրին սովորութեան, իւրաքանչիւր անձի կալուածին մէջ առանձնակի կառուցուած լինելուն՝ եթէ ոչ անկարելի, գեթ ամենադժուարին եղած է գեղջուկ մանկաւոյնի դպրոց երթեկութիւնը, մանաւանդ ի ձմերան:

(1) Տես եւ ի Պատմ. Պոնտոսի ի Վենետիկ:

Տրապիզոնի առաջնորդութեան կցուած է և կիւմիւլիսանէ, Քէլքիթ և կոհանս: Ի կիւմիւլիսանէ Հայք ունին հոյակապ նորաշէն եկեղեցի և վանք չքեղ: Իսկ միւս երկու գաւառներն եկեղեցիներու աւերակներէ զատ՝ ուրիշ բան չ'ունին, Հայ բնակիչներ կանուխ արդէն ազգ ու կրօն թողլով՝ տիրող ազգին կրօնն ու լեզուն առած են: Իսկ Տրապիզոնի ծովեզերեայ Սիւրմէնէ գաւառէն դէպ վեր է մեր հին Խալտեաց աշխարհը, ուր են Համշէն և Արդուին, Արտանուչ և Արտահան քաղաքները: Համշէն՝ որ լեռնոտ երկիր է, ունի մեծամեծ անտառներ, շատ տեսակ փառերով և բոյսերով Հայկական անուամբ: Ունի Համշէն նաւահանգիստ Արտաշին անուն, և Հայանուն գիւղօրէք, որոց բնիկք հայերէնախօս մահմէտականք են: Կայ աստ Խալտեաց անուն ուխտատեղի մը, ուր երբեմն մեծ դանդակ մը գտնուած է, ուր և կայ մեծ գերեզման մը արջա անուն, իբր թէ այս արջ վանքին հաւատարմարար ծառայեր ու մեռեր է, Հայ մահմէտականք ցարդ իսկ յուխտ կը գնան: Այս գաւառը յառաջուց Տաբուր կըսուէր, յետոյ Համամ Հայ իշխանը Համշէն բերդաւանը յիւր անուն շինելովը, գաւառն ալ Համշէն բուռած է: Իսկ Արդուին և Արտահան և Աճա-

4888



րիթին մինչև ի կարս և յԱխլցխա, որք և մե-
րոյն խաղաեաց մաս են, իրենց Հայկական և
Վրական աւերակներէն զառ՝ ուրիշ բան չու-
նին, տեղացիք ևս կրօննին և ազգութիւն-
նին կորուսանելով՝ այժմ մահմէտական Լազ
կամ Մկուէլ են:

Պոնտոսի և խաղաեաց ժողովրդեան կար-
ծես ճակատագիրն է եղած կրօն ու ազգ-
փոփոխելը: Հայոց տիրապետութենէ յետոյ,
Հռոմվայեցիք, Պարսիկք, Բիւզանդեան Հո-
ռոմք և Թիւրքք հետզհետէ տիրեցին, և
միշտ տիրող ազգին լեզուն մանաւանդ կրօնը
մեծ դեր խաղացած են: Այս երկու երկիր-
ներու մէջ այսօր կան 25000 հայախօս մահմե-
տական, 130000 յունախօս մահմետական,
ազգաւ Լազ և Թիւրքք: Այս երկու մեծ նա-
հանգներուն մէջ չկայ տեղ մը ուր աշտարակ
կամ բերդ մը, կամ ունէ հին շէնք մը չը
գտնուի: Հայկական, Լատինական, Յունա-
կան, Ճինիփիզական: Միայն Համզէն ունի և
հանգավանք, 38 հանգեկեղեցի և 70 գերեզ-
մաննոց. իսկ Սիւրմէնէ 3 հանգավանք, 36
հանգեկեղեցի և 61 գերեզման: Նոյնպէս
Քէլքիթ 1 հանգավանք, 9 1/2 հանգեկեղեցի
և 102 գերեզմաննոց ունի: Իսկ միւս գա-
ւառներն որովհետև կանուխէն թողած են

կրօննին, հետևաբար քրիստոնէական շէնքեր
չառ քիչ կան, բայց գիւղօրէից անուանք և
գերդաստաններու մականուանք գեռ հայկա-
կան են:

Այս առթիւ հարկ կը համարիմ կանուխէն
ծանուցանել, որ Պոնտացի և Հայաստանցի
գերզուկներ փոքր եկեղեցիներու խաչորք կը-
սեն, իսկ վրած եկեղեցիներու և վանքերու
հանգիկեցի և հանգաւանք, իբր թէ հանգուցեալ
եկեղեցի և վանք (1): Ուստի ուշադիր լինելու
էք, Տերաք և Տիկնայք, որ երբ որ գաւա-
ռի մէջ այսչափ թուով հանգեկեղեցի և կամ
գերեզման կը յիշատակեմ, գրեթէ կրկին
թուով ամբողջ գիւղեր մերձաւոր ժամանակ-
ներու մէջ կամ գաղթած, կամ մանաւանդ
մահմետականացած հասկանալու էք, որպէս
զի հարկ չմնայ ինձ իւրաքանչիւր գիւղն իւր
հայկական անունովն կամ ուրիշ յատկանի-
շով յիշելով՝ երկարաբանել: Այս հանգած
վանքերու և եկեղեցիներու և գերեզմաննե-

(1) Հանգած վանքերու և եկեղեցիներու և
գերեզմաններու տեղն ունէ նշանովն ու աւանդու-
թեամբ թէ որ գիւղին մէջ կամ մօտն են թէեւ ու-
րոյն ունիմ, զորս քաղած եմ հանդերձ շնորհա-
կալութեամբ հաւատարիմ քահանայներէ և տիրա-
ցուներէ և ուրիշ անձերէ, բայց զայնս սխալ հրա-
տարակեմ, երբ Ազգն օգնէ ինձ:

բու մէջ կան խաչքարեր և խոչքարեր : Խաչքարերն երկար կոթողանման քարեր են , ուր արձանադրեր կան և ննջեցելոյն գլխոյն ի վերև կը կանգնին . այսպիսի մեծ և փառաւոր խաչքարեր երբեմն իբր սահմանագլուխ դաւառին կամ արտի մը դըրուած են : Կ. Պօլսոյ մահմետականաց քար տնկելով սովորութիւնը հայկականին նմանակ է : Այս տեսակ խաչքարերէն երկու մտրդաչափ բարձր երկու ահագին մեծ խաչքարեր կան ի Դերջան բարձր լեռան վրայ , զոր մօտակայ գիւղովն հանդերձ այլազգիք Ռազան Խու կ'ըսեն : Թէև և շատ հին ու նոր արձանադրութիւններ ընթերցած եմ , բայց սա սրտիս դպած լինելուն՝ հարկ կը համարիմ այժմ յիշատակել զայն , և ձեր սրտին դպցընել : « Յիսուն ամողլունեցի զարև մարդոյ , իսկ արդ ողջունեմ զարևն Աստուծոյ » : (1) Աստուծոյ արև տալ և զայն ողջունելն ի հնումն արևապաշտ և զարդիս արևասէր հայուն մտքէն միայն կարելի է արտադրիլ : Իսկ խոչքարերն են , քարէ խոյեր կամ գառնուկներ , որոց վրայ արձանագիրք կան , որոց տակ կը թաղուին մանուկներ : Այդ քարէ գառնուկներ շատ տն-

(1) Ի Ղուղիջան ի Փերիխ գիւղ յամի հո :

գամ կը ծաղկազարդուին հանդուցելոյն գերդաստանէն : Ահա մի տապանագիր , « ես դաւնուկ Մնձուրեան , հանգչիմ ի ծոց Փրկչեան » : (1) Կան նաև հասարակ շիրիմներ մերիններուն նման , որոց վրայ հանդուցելոյն արհեստը դրուադուած է , եթէ կօշկակար է , կօշիկ , և եթէ դերձակ՝ մկրատ և այլն : Հարուստ անձեր իրենց հօր և կամ մօր գերեզմանը , որ խաչքարերով զարդարած են , գմբեթաւոր կը ծածկեն , այս սովորութիւնը յաճախ է ի Ռուսահայս :

Այժմ ժամանակ է , ազնիւ Տեարք և Տիկնայք , ի Բարձր Հայս մտնելու , երկիր արեան և արտասուաց . պիտի չխօսիմ Ձեզ , թէ պատերազմին երեսէն գեղջուկ Հայք որքան վնասեցան : Այն 30,000 Հայերէն , որոց վրայօք այն ժամանակ օտար և ազդային լրագիրներ գովեստ հրատարակեցին , շատեր այսօր հաշմուցաւազար են : Ռազմական մթերքի և թրնդանօթի փոխադրութեան ատեն չարաչար դորձածուելով բռնի և ձրի դրեթէ , վրայ տալով միանգամայն ոչ թէ միայն սայլ ու ամոլ եզ , ձի և ջորի , այլ և կենսապահիկ

(1) Ի Քղի մերձ ի Սագաձոր գիւղ , կոտրուած խոչքար :

պարէնն անգամ : Մինչ ժողովուրդն այսպէս ,
մերային իշխան աղաներն երկրին մէջ հովիւ
առաջնորդ չլինելէն օգտուած ի հաճոյս այս
կամ այն պետական բարձրաստիճան անձերու
կամ յանուն անձնական շահու գիտած էին
իրաց դառնադէտ վիճակը : Այսպէս երկրա-
գործ Հայուն սերմցու ցորէնն իսկ սպառելով
Հայոց աղջիկներն ու հարսեր և տղամարդեր
ստիպուած էին Տրապիզոնէն լազուտ (միսիր
պուղտա) շալակելով բոպիկ և գրեթէ մերկ
քալելով ի հայրենիս բերել և ուտել : Իսկ
այս երթևեկութեան մէջ ինչե՛ր չեն պատա-
հիր , հարկ չկան յիշատակելու , մանաւանդ
երբ լեռներն ու ձորեր լցուած են թիւրքին
փախստական զինուորներովը : Քա՛ւ , ես չեմ
կամիր պետութիւնը բամբասել , այլ մեր
մեղքը կուղեմ յայտնել և աղգային իշխանու-
թեանը , որ այսպիսի ժողովուրդ մը անտե-
րունչ թողուցած էր :

Բաբերդ և Սպեր , այս երկու դաւառ-
ներու Հայեր չարաչար կը հարստահարուին
մոլեռանդ մահմետականներէն , որք թէև
տիպարաւ Հայ են , բայց ոչ բնաւ սրտով :
Օրինակ . Բալխոռ գիւղին թըբերն երաժ-
տութեան ատեն Հայոց գերեզմաններէն նոր
հանգած դիակներու գլուխներ կտրելով

ձորին ջուրը կը ձգեն , որպէսզի երկինք անձ-
րեւէ ըստ մայլային բանի : Խեղճ Հայեր , կեն-
դանութեան ատեն չարչարուելէ զատ՝ գե-
րեզմանի մէջ ալ հանգիստ պիտի չունենաք ,
և այս յանուն Խաչի , նոյն իսկ խաչի փառա-
ւորագոյն դարուս մէջ խաչապաշտ հզօր կայս-
րերու և թագաւորներու աչքին առջև : Բա-
բերդ ունի Վահանչէն և Վարդհան քաղաք-
ներու աւերակներ . իսկ բերդն էր հռչակա-
ւոր ատեն մը , Բասկեիչի յարձակմանէն յա-
ռաջ : Բերդին աւերակաց նշանադրերն ու ե-
կեղեցւոյ ոքմերուն պատկերներն անհետա-
նալու վրայ են :

Բաբերդի և Գերջանի մէջ կայ Շողանայ
վանքի հռչակաւոր աւերակը , աղւոր գործ
հայկական ճարտարապետութեան : Բաբերդ
և Սպեր ունին 45 եկեղեցի : Իսկ միայն Բա-
բերդ ունի 13 հանգավանք , 51 հանգեկեղե-
ցի , և 68 գերեզմաննոց : Իսկ Սպեր 60 հանգ-
եկեղեցի և 80 գերեզմաննոց : Այս երկու ա-
ռաջնորդական վիճակներ ունին առանձին մի
մի շէն վանքեր , և ի տեղիս տեղիս շատ ուխ-
տատեղիներ : Բաբերդէն և Սպերէն կը խոխովէ
ճոռոխ աղենաբուղիս գետը . այս գետին
վրայօք տեղացիք անտառներու ատաղձներ
մէկմէկու կապելով և վրան նստելով և խաչ

կանչելով այս կամ այն տեղեր կը փոխադրեն զայնս և մինչև ի Սև ծով: Բաբերդի Քէտտէ սիկ Հայ գիւղի գերեզմանատան մէջ կայ մի ահագին վիմեայ տապան. կը պատմուի թէ վիմեայ շիրմին համեմատ երկայնահասակ և յաղթանդամ Հայ մը Հայաստանի փրկութեանը համար Մասիսի Հրէշին հետ մրցեր է: Իսկ Օձտեղ գիւղին մօտ կան քարօձեր. կը պատմուի թէ ճաշու աւետարանի ընթերցման ատեն՝ վիշապը կը յարձակի օձերով ի իներքս ի տաճարն, իսկ տէրտէքն Աւետարանով կը ջախջախէ: Քարացած վիշապին պորտին տեղը լիաքար կըսուի, և չքալող տղեկներ անտի կ'անցընեն, որ բժշկուին: Իսկ կայ մէկ գետնափոր ուղի, նիւ գիւղէն մինչև ի Խաղտիք Թիւրք գիւղ, $1\frac{1}{2}$ ժամ տեւող, ուր հանգեկեղեցի և խաչ քարեր կան: Խալտէն Հայ սեպուհ պատանին զաղտկեկ կը հաղորդակցի եղեր ի նիւ Յոյն իշխանի դասեր հետ, զոր հուսկ իրեն նու (հարս) առնելով հարսին ամարանոց սոյն գիւղն ալ սոյն անունը կ'առնու:

Սպերու կից է Կիսկիմ և Թորթում գաւառներ: Կիսկիմի Խոտրջուր Հայ Գաթօլիկ գիւղն իւր մօտակայ գիւղերովս հանդերձ երեւելի է, իսկ ի Թորթում ունիմք երկու գիւղ միայն:

Թորթումցիք 1750 ին ա'լ ձանձրանալով յանուն կրօնի զրկանքէ և չարչարանքէ, առհասարակ մահմէտականացած են, որոց փառաւոր եկեղեցիք և գերեզմանք գերհաստատ կան: Ունին սորա 120 հանգեկեղեցի, 140 գերեզմանոց և 10 հանգավանք:

Դերջան ունի հին շէնքեր. Բէդէուիչի (Բադաուիչ) բերդն, որ դաշտին մէջ զուտ ապառաժ ահագին քար մի է, տեսոյ արժանի է: Սյդ բլրանման քարը փորուած և ծակուած է. Սստուած իմ, որպիսի՛ երկար տաժանելի աշխատութեամբ. մարմարաշէն սանդուխի մը 200 ի չափ աստիճաններէն վար իջնելով անդնդէն ջուր կը հանուի և վեր կը բերուի եղեր. այս բաւ չէ, նաև 3 մեծ աւաղաններ ևս փորուած են ժայռին ամէն մէկ կողմը, և յատուկ փորածոյ խողովակներով իրարու ագուցած: Բերդի ժայռին վերայ բնեռագրեր ալ կան, դեռ մինչև ցարդ անընթեռնլի, որոց և պատճէնն ընդունած է եղեր տոքթէօն Մորթման, ինչպէս ստուգեցի: Սյո գաւառի մէջ Խրտմաձորի եկեղեցին հռչակաւոր է, որ չորս կողմէն խորան առ խորան բարձրացած և ամէն կերպ միւր գերով և անասուններով գրուագուած և երկաթադիր արձանագրերով դեռ կայ հաս-

տատ, և միայն գմբէթն է անկած :

Դերջան ունի 2 շէն վանք և 31 եկեղեցի : Ունի և 22 հանգավանք, 18 ուխտատեղի, 7 և հանգեկեղեցի և 60 գերեզմաննոց :

Մամախաթուն գիւղին մօտը կայ մատրանման գմբէթաւոր շրջանակաձև մեծ շէնք մի, որոյ շրջանակն անկիւնաւոր է, իւրաքանչիւր անկիւն միմեանց կից շիրիմք կան, և ի միջև մին կը բարձրանայ վեղարանման գմբէթաւ : Ծէնքն թէև Հայկական կը պատմուի, բայց թրքաց սեփական է : Իսկ Սըրբիլը Ս. Թորոս վանքի մօտ կայ Սուրէն քաղաքի մը աւերակները, ուր կան դեռ կիսափուլ ութ եկեղեցիներ և ուրիշ աւերակներ :

Կից է Դերջանայ Երեզա, որ տուրևառի և արուեստի կողմէ յառաջացած է բաւական : Սա իրաւամբ Հայոց սրբավայր երկիրը կը համարուի, երբեմն իւր մեհենական և ապա իւր քրիստոնէական պայծառութեամբը, իւր դաշտին շուրջն երբեմն բարձրացած էին 24 վանքեր, որոց միայն ութը կան այժմ, իսկ միւսներն աւերակ : (1) Ունի և 23 եկեղեցի,

(1) Ի թիւ աւան կը հանդչի Սրիսու կէս, իսկ ի Խախ կան Պապայ արքունեաց փրատակները սրբառանշ քարերով, ուր և թիւնաւորեցաւ Մեծն Ներսէս Պարթեւ Հայրապետ :

12 հանգավանք, 93 հանգեկեղեցի, և 108 գերեզմաննոց : Իսկ Կամախ ունի բերդ կէս մը արուեստաշէն և կէս բնական, որ ընդերկրեայ ճանապարհ ունի մինչև մերձակայ առուն : Այս ամենամեծ բերդը մինչև 4000 տուն կարող է պարունակել, մեր նախնիքներէն շինուած, որոյ վեց քարաշէն եկեղեցիքը դեռ կանգուն կան. քիչ մը հեռուն կայ կապան, այսինքն անձուկ ճանապարհ, քարալերին մէջէն փորուած, մինչ զի անցորդաց վերայ լերին ապառաժը կը հովանաւորի : Այս կապանին ծայրն ապառաժին վերայ իբր թէ Ալին նստած լինելուն նստուկին դիրքն այնպէս խոռոչացած՝ մնացած կը քարոզուի մահմէտականներէ, մինչ Հայերէն Տրդատայ համար կ'աւանդուի : Այս տեղին մօտն ահագին խոշոր փայտ մը մխուած կայ ժայռին մէջ բաւական խոր, իբր թէ ի ցոյց դերբնային կորովութեան Ալիէն վարսուած կամ Տրդատէն. քիչ մը անդին կայ աշտարակ մի հին, որմէն հեռի կայ վիմի վերայ Ալեայ կամ Տրդատայ ձիուն պայտառներ (նալ) սովորական պայտառի կրկին մեծութեամբ. հոս է փայտաշէն կամուրջը, ուստի Եփրատ կը հոսի : Ինտէն անդին երեք Թեւոզնի կան, Էհրեզնի Գրաբէ անուն, որոց մէջ շատ մը քա-

րաշէն դամբանարանք կան, բայց երրորդին մէջ է օգիտան հարկանքը կոչուած թագաւորի մի կանաչ լաթերով ծածկուած սեցած մարմինը: Սոյն դամբանարանը հայաշէն կ'աւանդուի: Կամախայ մօտը Գրէգ Գեղե կոչուած աւերակ տեղը յառաջուց կան եղեր 40 եկեղեցիք և բնակութիւն մեծ: Այս գաւառի թորդան գիւղի վանքի մէջ կան դամբանարանք յանուն Լուսաւորչի, Վրթանէսի Յուսկան, Աշխէն տիկնոջ և Խոսրովի զխոյ և Տրդատայ թագաւորի: Բագառիչ գիւղի վանքի մէջ կայ սղնձի խաչ, զոր Թագէտոս առաքեալ Քրիստոսի իւր աշակերտաց ոտքը լուայած կոնքի նիւթէն խաչ շինելով հոս բերած կը պատմուի, այս վանքի պարտէզէն կ'ելնէ խաչախնձոր անուն համով պտուղը:

Կամախ ունի 5 շէն վանք և 11 եկեղեցի. և 6 հանգավանք, 108 հանգեկեղեցի, և 63 գերեզմաննոց: Երբեմն Կամախ մեր Արշակունի թագաւորաց հանգստեան տեղին էր:

Քուրիչայ և Կերճանիս Կամախայ հետ միացած են. ունին 7 եկեղեցի, 8 հանգավանք, 150 հանգեկեղեցի, և նոյնպիսի գրեթէ գերեզմաննոց, Կերճանիսի 150 գիւղերէն միայն երկուքը Հայ են: Կանուխ ժամանա-

կի մէջ բնիկ Հայերը կէս մը գաղթեր և կէսէն աւելին այլադէն են եղած: Նոյնպէս Ղուղիջան և Տէրսիմ լեռնոտ և ձորոտ երկիր թէև, բայց յոյժ բերրի են: Հոս խիտ շատ անձաներ, հանգած եկեղեցիներ և վանքեր, գերեզմաններ և բերդեր և ուրիշ կիսափուլ շէնքեր կան: Այս կողմի Ձաղա ագնուականներ լսելով թէ Հայք պիտի յաջողին, զի հայկական խնդրոյն հոշակն ի խորս Հայաստանի հասած՝ արձագանգ դտած էր, ուստի խորհրդակցելով զայն ողջունելու հաւանած՝ ինձ հետ փութացան յերկրպագութիւն հայկական արևուն յուսով ապահովութեան պայազատութեան իւրեանց: Այլ աւանդ, զի «սլուտուկը գլորեր, խուփն է գտեր», առաժն ամենաճիշդ կատարուեր էր այս ատեն: Եւ հա աշխարհի առջև կը հրատարակուէր, թէ Քիւրտք Քրիստոնէանալու վրայ են. . . :

Այս երկու գաւառներուն կից է և Քղի, բայց երկիրը լեռնուտ լինելուն՝ գծուար է ապրուստ ճարելը և յաճախ է սովը: 43 եկեղեցի և 4 վանքեր ունի շէն. կան և 12 հանգավանք, 81 հանգեկեղեցի և 75 գերեզմաննոց: Քղույ և Մշոյ մէջ է Աստղբերդ քարաշէն բերդը, իբր թէ Աստղիկ Հայ թագուհիէ մը շինուած, որոյ վրայօք առասպելք կը

պատմութիւն : Մօտ է և խօսնակ Ս. Կիրակոսի վանքը Օրօր գեաակին եզրը , որոյ կամուրջին վրայ սրով նահատակեցաւ Ս. Խաղ եպիսկոպոս , գործակից Մեծին Ներսէսի , որոյ գամբանարանն է ի Հագասուն գիւղ : Կից է Բըզւոյ և Կարնոյ դաւառը :

Կարին իւր ընդարձակ հոյակապ եկեղեցիէն և մէկ քանի հնաշէն ֆոֆներէ զատ՝ որք յառաջուց Հայոց եկեղեցի են եղած , յիշատակութեան արժանի բան մը չունի , իւր խաչանիշ պարիսպները և 72 աշտարակները վար առնուած են , միայն արդի պատերազմական քառներու համեմատ շինուած մարտկոցներն արժանի են տեսոյ : Իւր միջնաբերդն անգամ այնքան մեծ բան մը չէ : Ունի Կարին , և վանք , 40 եկեղեցի , նոյնպէս շատ հանգած եկեղեցիներ : Գրեթէ յիսուն տարի յառաջ Բասկելիչի ատեն Կարապետ եպիսկոպոս ամենամեծ գաղթականութիւն մը հանած է այս կողմերէն : 90,000 գաղթու ժողովրդէն հազիւ 25000 ը կենդանի մնալով Ախլցխայու կողմերը կը հաստատուի : Գաղթականութեան այս օրինակ զարհուրելի ազէան այս տարի ևս տեսնուեցաւ մեր Ալաշկերացուց վրայ , քանի մը հազար գաղթուներէն հազիւ քառօրդը կենդանի վերադար-

ցաւ : Ահա այս կերպով Կարապետ եպիսկոպոս իւր անհեռատես քաղաքականութեամբն աղդին երեսէն ընկած , Ներսէս կաթողիկոսէն արհամարհուած կը մեռանի և կը թաղուի յԱխլցխա , որոյ գերեզմանին վրայ դեռ արձանագրութիւն մ'անգամ չկայ , և վայելիչ : Կից է և Կարնոյ Բասեն , ուր կայ և վանք մը , ուր թաղուած է Գրիգոր Մագիստրոս : Բասենի Բլնի բերդն , որ այժմ Հասանղալէ կը կոչուի , նշանակութեան արժանի է իբր հայկական ձեռակերտ , ուր և հայկական արձանագիր կայ : Մուրց գետակ աստի յերասի կը հոսի : Մօտ է Բասենի Ալաշկերտ և Պայազիտ , ուր կայ լուսաւորչաշէն հոյակապ և հսկայ մէկ վանք , Իւր փոֆ անուն : Պայազիտի հին բերդը խարխլած է , իսկ նորն արդի պատերազմէն շատ փաստուած : Հինը կըռապաշտական դարէն մնացած կ'երևի իւր այլևայլ նշաններովը : Հոս կը վերջանայ Օսմանեան Բարձր-Հայքը կամ թէ Հայաստանը :



Բ.

Այլազգիք . — Հայախօս մահմէտականք եւ քրդախօս Հայք , Թիւրքք եւ Թիւրքմէնք , Քիւրտք եւ Զաղայք , Եէզիտիք եւ Բոշայք , կենցաղ սոցա եւ սովորոյթք այլ եւ այլ . — Կենցաղ Հայոց եւ սովորոյթք հին ու նոր , առանին եւ հարսանեկան եւ այլն . — Վանորայք եւ ուխտաւորութիւն . — Վարդափառ եւ Ղուսաւորիչ . — Ուսումնական վիճակ Հայոց . — Լազարէֆի , Տէր Ղուկասոֆի եւ Ռուսահայոց ընթացք . — Երկիցս գաղթականութիւն Ալաշկերտցւոց եւ Պայազիտցւոց . — Խիկար իմաստուն եւ իւր առակք . — Վերջաբան :



Այժմ , ազնիւ Տեարք եւ Տիկնայք , ժամանակ է լսելու Հայաստանի բնակչաց վրայօք . բաց ի Ղուսաւորչական , Գաթօլիկ եւ Բրօթէտտան Հայերէ , կան եւ Հայ-հոռոմք , որոց հաւատոյ դաւանանքը Յունական եկեղեցւոյ համեմատ լինելուն այսպէս կը կոչուին : Կան ստուար թուով Ասորիք , եւ քիչ Յոյն եւ Հրէայ : Այս ազգերէն զատ կան եւ հայախօս Թիւրքեր եւ Լազեր , առհասարակ յրուած մեր Խաղտեաց աշխարհի եւ Բարձր Հայոց մէկ մասին մէջ : Ի Համէն եւ ի Սիւրմէնէ գաւառս սոքա դեռ հայերէն կը խօսին , ուրիշ լեզու

չգիտնալնուն , որոց եւ բնակած գիւղերուն անուանքը դեռ հայկական են , նոյնպէս իրենց մականունները , եւ որոց եկեղեցիները դեռ կանգուն են եւ գերեզմանք հաստատուն : Քրիստոնէական դեռ շատ նշաններ ունին եւ շատեր մինչև իսկ կը հաղորդուին գաղտ Հայ թափառիկ տէրաէրներէ , որք ժողովարարութեամբ կը շրջագային : Ամենայն նախանձաւորութեամբ իրենց հին գերեզմանները իբր պապենական ժառանգութիւն , ուր իբր մահմէտական թէև չեն թաղուիր , կը պահպանեն , նոյն իսկ մոլեռանգ մոլլաներու քարոզներու եւ թելադրութեան հակառակ : Ունին երկու գլխաւոր ուխտատեղի , ուր միահամուռ քրիստոնեայ Հայոց հետ կը գիւմեն եւ մատաղ կրնեն : Հռչակաւոր է Ասումատ (Աստուծոյ մատ) վանքը յԱխու գիւղ ի Սիւրմէնէ , ուր յուխտ կ'երթան Մայիս 7 ին . նոյնպէս ի Համէն ի Խալա գիւղ Ս . Նըշան , ուր յուխտ կը գնան օգոստոս 17 ին : Այս մեր հէք ժողովրդեան հարստահարութիւնն հարիւր տարի յառաջ շատ ամենասոսկալի կը պատմեն ծերունիք : Էլէվիտ (Եղիովիտ) գիւղի Ս . Վարդանանց տաճարին մէջ առաջնորդ եպիսկոպոսը չարաչար կ'ըսպաննուի , եւ մէկ օրուան մէջ ասպատակ

զինւորները և որիկայ մուլեռանդներ անասելի եղեռներ կը գործեն «Տիւնէրու հետ» : Այս հարածանքը կը ծանրանայ մինչև Բաբելոնաց և Սպերու, Գերջանի և Բէլքիթի վրայ, Տէլի Հայթա պէյի մի ատեն : Ահա յիշատակարանի մը աղէկաուր խօսքը, « իբրև լուաւ զայս ամենայն Գրիգոր եպիսկոպոս Շողանայ վանուցս, և թէ մեռաւ Հայաստան աշխարհ, հեղձամղձուկս ասաց զհոգւոցն, և առ վըտին անդէն աւանդեաց զհոգին» : Ո՛հ, խեղճ Հայոց մեռեալ և անթաղ աշխարհին վրայ դու հոգւոց կ'ըսես, ո՛ր զգայունդ վարդապետ, բայց քո վերայ ո՛վ ասէ հոգոց : Ի մի բան, ազնիւ Տեառք և Տիկնայք, չկայ Հայաստան դաւառ մը կամ մինչև իսկ գիւղ մը կամ արտ մը կամ դաշտ մը և առու մը, ուր հայկական յիշատակի մը չի հանդիպիս, քարը վայ այն, կամ տեղոյ անուն, կամ անձի մը և կամ գերդաստանի մը մականուն կամ խաչքար և կամ բերդի մը տիրատունիլ բերկորներ : Գեռ ի թորթում Հայ մամիկներ թէև մահմէտական, կողկողագին կը յիշեն Լուսաւորչի լոյս հաւատքը, և յաճախ վանօրէից լուսազբիւրէն կը մկրտուին, և կիրակամտի լոյսը կը վառեն շրաբուղիս քարի մը վերայ առ այն պաշտպան սուրբ, որ իր պա-

պենական տանն ու աշխարհին կը հսկէ : Մինչ ասդին այս Կ՝ Կ՝ Հայեր թէև կրօնին կորուսած, բայց ազգային լեզունին դեռ կը պահեն, անդին Հայք լեզունին թէև կորուսած՝ բայց կրօնին պահած են. սոքա են մեր Տուժիկ կամ Տմպրլիկ Հայերը, որք Գրդախօս են և Չաղայախօս : Հակապատկե՛ր արդարև Խաղտեաց և Բարձր-Հայոց ժողովրդեան : Սոքա որ ցրիւ են ի Տէրսիմ և ի Ղուղիջան և մինչև ի Տիգրանակերտ, ոչ բնաւ հայերէն գիտեն, ոչ գիր ունին և ոչ դպրութիւն, տարիներով քահանայի երես անդամ տեսած չունին. Լուսաւորչի լոյս հաւատքով քրիստոնէութեան մէջ կ'ապրին : Երկար ատեն այս լեռնաբնակ Հայ քիւրտեր յաջողեցան ազատութիւննին պահպանել շրջակայ ցեղերու դէմ, և զէնքով միշտ գերազանցած են : Խզուցիք (հիղանցիք) այս մասին հուշակաւոր են եղած : Բայց աւանդ, սոցա և այս վիճակ վերջին ժամանակներուս մէջ դառնացաւ, վասն զի Օսմանցիք Մուլթան Մէճիտէն ի վեր վարչական դրութիւննին վտխերով յաջողած են բնակակից Գրդերը գրգռելով և օգնելով Հայոց ուժը ջլատել :

Այս տեսակ Հայերէ զատ՝ կը բնակին ի Հայաստան թիւրքք և թիւրքմէնք, թիւրքեր

կանուխէն մահմէտականացած Հայերու սե-
րունդ են և թուով 300,000 կան, տիպար-
նին և շատ սովորութիւննին դեռ բոլորովին
Հայկական են. իսկ թիւրքմէնք թաթարաց
ի Հայաստան յարձակման ատենէն մնացած
թաթարներու սերունդ են, որոց տիպարն և
սովորոյթք առ այս կը վկայեն. թուով են
20,000:

Իսկ Բիւրդք հանրածանօթ են արդէն,
որոց մեծ մասը հին Մար ազգի սերունդ կը
համարուի, իսկ միւս մասը Հայկական. ըստ
ցեղից ցեղից կը կոչուին Մանրքցիք, Մանդըկ-
ցիք, Մասնցիք, Ռոշկանցիք, Սըլիվանցիք, Սի-
նանցիք, Մըմըքցիք, Սիբէկցիք, Հագարցիք,
Պատըլցիք Պանըքցիք, Բեսեան և այլն. այս-
պիսի անուններ Հայկական հին նախարարու-
թիւններն ի յուշ կ'ածեն մեզ: Քրդերու սո-
վորութեանց և կենցաղին վրայ շատ խօսուած
լինելուն՝ հոս վերստին յիշելն աւելորդ է.
սոքա ևս չունին դիր և դպրութիւն, և առա-
ւել հետևող են Մէհմէտի: Սոքա ևս թուով
200,000 են: Իսկ Չաղայք նոյնպէս յատուկ
լեզու ունին քրդէն զատ, և թուով դրեթէ
կը հաւասարին նոցա: Սոքա բովանդակ
Տէրսիմը կամ մեր հին Ծովոց աշխարհը ցը-
րիւ գրաւած են. ոչինչ տարբերութիւն ու-

նին Հայկական տիպարէն, բարք և սովորոյթք
դրեթէ միևնոյն. թէև ի կրօնս Սլեայ կը հե-
տեին, բայց Քրդերուն նման ոչ մոլլա ունին
և ոչ շէխ, այլ իրենց մէլիքն է իրենց կրօնա-
կան և քաղաքական նահապետը: Թափառիկ
կը շրջին ցեղ ցեղ և հովիւ են ընդհանրապէս,
ի սկզբանէ ի վեր միշտ ապստամբ. քրիստո-
նէական նշաններէն սովորականներն արդէն
ունին Քրդաց պէս. Հայոց հետ յուխտ կը
գնան, և մատաղ կ'անեն, կիրակամուտքի
Ղուսաւորչի լոյսը կը վառեն, վարդապետ ու
տէրտէր կը պատուեն, պտղի կը շնորհեն, հե-
ռուէն խաջբար մը կամ եկեղեցւոյ և վանքի
մը աւերակ երբ տեսնեն, ծունր կը դնեն, և
այլ սոյն օրինակ սովորոյթք ունին: Սոքա ևս
ժամանակաւ Պարսիկ տիրապետութեան ա-
տեն Պարսիկ գաղթականաց մէջ Հայ խառ-
նուրդէ մը սերեալ կը համարուին:

Եէղիտիք ևս ցրիւ կան, անգիր և անգէտ.
ըստ ցեղից կը կոչուին Հավագցի, ճագուան-
ցի, Աբըկան, Նախիպան և այլն: Ոչ կը մը-
կըրտուին, և ոչ կը թլփատուին: Մատանան
սկիզբն չարի դաւաններէն՝ Մանիքեցւոց ա-
ղանդի հետևողներէն մնացորդ կը կարծուին:
Սլաշկերտի կողմը կ'երդնուն այս անունով
Սըրէ, որ սատանային մայրն է եղեր. բայց

ինչպէս սատանայի անուամբ նոյնպէս և Քրիստոսի անուամբ ալ կ'երդնուն ըսելով. ո՞ր իսոյն նորոնի : Ունին և օրհնութիւն բաժակի, զոր յանուն Յիսուսի և ի սէր կը խմեն, յատուկ ջանալով որ օրհնած գինիէն կաթիլ չվաթի : Ոչ պահք կը պահեն և ոչ կ'աղօթեն, որովհետև իրենց շէ հոգին (առաջնորդ) ի դիմաց ամենուն կ'աղօթէ եղեր : Արևուն ծագելէն քիչ յառաջ յարևելս կը դառնան՝ երկու բթամատնին խաչաձև իրարու վրայ դրած. երբ արևուն նշոյլները մատերնուն վրայ կ'սփռին, իսկոյն կը համբուրեն. այս է կրօնական աղօթնին և բոլոր արարողութիւննին : Ամէն մէկ օպա կամ օճախ ունի մէկ ամուսնացեալ շէխ, որ սևափաթեթ ունի ի գլուխն ու խոշոր վերարկու : Կը պատմուի թէ բաժակի օրհնութիւն մատուցուած ատեն՝ հաց ալ կը դնեն եղեր յաճախ, և բաց գլխով կը վայելեն : Քրիստոնէից հետ բարեկամութեամբ են, ըստ պատեհին՝ եկեղեցի և վանք կ'երթան, կանգեղներուն իւղէն կ'օծուին, իսկ ընդհակառակը սաստիկ կ'ատեն Մահմէտականները : Եւ Տաճկի բոլոր անուններն ալ կը կրեն բաց ի Մուհամմէտ անունէն : Ամուսնութեան մէջ միակին են, և ամէն գարշելի մեղքերէ կ'զգուշանան, բայց

ամենևին մեղք չեն համարիր մարդասպանութիւնը, անցորդները կողոպտելը, դողնալը : Ահա այսպիսի սկզբունքի տէր ազգերու և ցեղերու մէջ մեր ողորմելի ազգը հակառակ սկզբունք ունենալով՝ այսինքն դողութիւն և սպանութիւն չ'ընել, մէկն եթէ երեսին ապտակ մի զարնելու լինի, միւսը դարձունել, կ'ապրի : Այս նկատմամբ է որ ես ևս տարբեր համոզում ունեցած եմ Աւետարանի քարոզութեան եղանակին վրայ, վասն զի լեռնական ժողովրդեան մի ձեռուրները բարոյապէս կապելը, երբ միւսներն արձակ ու ազատ ձգուած են, արդարութեան դէմ ոճիր է :

Եէզիաիք առաւել Ասորոցմէ մնացած խառն սերունդ կը համարուին. նոյն իսկ Հայոց մէջ ևս կային ժամանակաւ սոյնպիսիք, ^{սևաքիչ} անուամբ, որք և Շնորհալիի ատեն քրիստոնէացան :

Կան և ցրիւ ի Հայաստան Բոշայք. սորատեսակ տեսակ անուններ ունին Լօրիկ, Մըտրըպ, Գնչու, Չինկեանէ և այլն : Մորա միշտ կը թափառին, և կաղմութիւննին ի սկըզբան խառն ամէն ազգէ է. բայց թէ ինչ ազգէ կամ տեղէ մեկնած են, նոյն տեղական կամ ազգային լեզուն ա'լ բնաւ չեն խօսիր, այլ

անմիջապէս մի լեզու կը հնարեն, որով կը խօսին իրարու մէջ. այնպէս որ ժամանակ անցանելէ յետոյ, որ ազգի գիւղի մէջ պատահի գերդաստանի մը հաստատուն բնակութեան պէտքը, հոն կը բնակի. և տեղացոց ազգայնութիւնն ու կրօն կ'առնու. վասն զի երկար ատենուան շրջանի մը մէջ ա՛լ անծանօթ իրեն կը մնայ իւր բուն ազգին կրօնն ու լեզուն: Թէև տեղ տեղ բոշայք մերոնց հետ ի պատեհին քրիստոնէաբար կը վարուին, մինչ զի կը մկրտուին, կը հաղորդուին, և կը խօստովանուին, պտղի կը վճարեն, յուխտ կը դնան մեր կէսկէսներուն նման, բայց այսքանը բաւական չեն: Սորա շատ տեղ մեռելնին չեն թաղեր, այլ կ'այրեն: Ազգերու կազմութիւնը կ'երևի թէ սոյն դրական կենցաղով հաստատուած է աշխարհիս մէջ:

Այսքանս Ազնիւ Տեարք և Տիկնայք, մեր Հայաստան աշխարհի մէջ բնակող ազգերու մասին բաւական համարելով խօսիմք Հայոց ներքին կենաց վրայօք: Հայք ունին ընդհանրապէս այն բարոյական վիճակն՝ որ Աւետարանը միայն կարող է տալ մարդկութեան, հետևաբար անհամեմատ բարձր են քան զամենայն այլազգիս Հայաստան աշխարհի: Գերդաստանական նահապետութիւնը

դեռ կատարեալ կայ մանաւանդ ի գիւղօրէս, որու օգտակարութիւնն անհո՛ւն է գեղջկային կենաց. այս կերպով աշխատութեանց բաժանումը և ընտանեկան խաղաղ կենցաղն իրարու հետ կը միանան, և նահապետ պապը կամ մեծ մամն եթէ կենդանի են, կը կառավարեն այն փոքր հասարակապետութիւնը, որ կը բազկանայ մինչև 150 անդամէ: Այս սովորութիւնն ի Կիլիկիա իսկ կը պահուի դեռ: Յաջորդութիւնը միշտ երկցուն է, նոյնպէս և պատիւը. որ զարմանալին է, առանց խտիր դնելու արուին և իզին մէջ, զի պապէն յետոյ մամն է, հայրէն յետոյ ոչ թէ երէց տղան է, այլ կինն է, մայրն է:

Տնակները գետնի վերայ միայաբկ են, որոց շինութեանը խժուժ երնջնակ, դոնժոժ, ճեւական, մարգակ կը դործածեն, նոյնպէս յֆով սիւն կը դնեն՝ եթէ մէկ կողմը ծռելով վտանգ ունի. սենեակ մը միայն ունին, որ թէ հիւրանոց է և թէ հանդստոց, որ կը լուսաւորուի օճախին լուսովը, որոյ կից է սրահն ու ախոռ. և ձմրան դիշերուան մէջ երբ մերայինը կը հաւաքուին, եզներն ու էշեր իւրըը հետաքրքիր դրուխնին տնկած՝ կիսաբարձր որմէն նստողները կը դիտեն: Տաւարին

չնչովը գրեթէ միշտ տաք է տնակը : Այլուր այն անկիւնը կայ, ուր մեր աղջիկները և հարսեր լաւաշ⁽¹⁾ կեփեն ամէն առաւօտ և իրիկուն սփի վրայ . վառելիքնին է քակոր⁽²⁾ , որ տաւարին աղբէն կը շինեն ամրան , և բլրանման կը դիզեն ձմրան համար որուն և «հոյ կըսեն : Իսկ մայրերն ու մամեր կը տնտեսեն զամենայն և առտնին կը կառավարեն զամենեսին : Ամրան ատեն առհասարակ տանիքի վերայ կը պառկին , և առաւօտուն կանուխ մամու աղօթքան դառնալէ և արշալոյսը ողջունելէ յետոյ աքաղաղին հետ կը ձայնէ ամենեցուն : ⁽³⁾

Մահմէտականութենէ սա սովորութիւնը ներմուծուած է Հայ ընտանեկան կենաց մէջ ,

(1) Բարակ փփրէ , կամ ճիշդ եկեղեցւոյ մասին նման բարակ հաց , որ շատ տեղ ապուրի ատեն պատառ պատառ դգալի տեղ կը գործածուի :

(2) Տեղ տեղ անուն ունի զատ զատ քչուր , փթիր , պտտուր եւայլն :

(3) Շատ կանուխէն առաւել ձմրան ատեն տունէն ելնելով դրան առջեւ յարեւելս աղօթելով բարի լոյսը ներս առնլու սոյն սովորութիւնը մեր հին արեւապաշտութենէն մնացորդ է անշուշտ : Քանի տարի յառաջ Երզնկայի առաջնորդ Գրիգորիս վարդապետին փոքրատրին մայրը Բաբերդի մէջ այս սովորութեան համեմատ դուրսը աղօթած ատեն գայլ մը կը իսածնէ եւ կը տանի : Հաղիւ Վարդեւան տղան կը համնի եւ կաղատէ , եւ գայլը , կը բռնէ ողջ ի ծաղր ամենեցուն :

հարսներուն երեսը քօղով ծածկել մինչ գրեթէ 30 տարի , անշուշտ մահմէտականութեան դարաւոր տիրապետութեան տակ վաւաշտ և բռնաւոր օտարին համար իբր արդելք ընդունուած է : Հարսներն անխօսուկ են կեսեր և տաղեր , նաև տարևոր ծանօթին և անծանօթին առջև գրեթէ շատ տարիներ , Երեսխայ մանկիկներու համար շատ տեղ օրոց անդամ չկայ , և եթէ կայ , տղեկը հողին վրայ կը պառկըցընեն , որպէս զի հայրենեաց հողէն ոյժ առնու . ո՛չ , սուրբ մամեր , ո՛չ միայն այդ , այլ նաև հայրենի հողին վրայ մեծնայ , կեանք առնու և կեանք տայ հայրենեաց . զի այդ կտակ մի է , զոր իմաստուն նախնիքդ աւանդած են քեզ , լսեցէք ուրեմն ի դարու մէջ դըուած ճառքնորի մը խօսքը . « բժժանս համարել առ սէր հայրենի տան զհող երախայի » : Այս հաւատքին Հայոց վրայ ըրած տպաւորութիւնը 1400 տարի յառաջ Պարսիկ մոզերն ալ խաբած էր , որք Շապուհը գրդուեցին որպէս զի Արշակ Հայոց կալանաւոր թագաւորը՝ իւր ռիտերիմ թշնամին փորձէ , և որոյ յաջողութեան կարծես պատմագիրն ևս հաւատարով մը՝ ախորժանօք կը պատմէ . իբր թէ Հայն իւր հողին վրայ ոյժ առնլով կը դործէ , և փորձն Արշակայ վրայ

իրբ թէ կ'յաջողի: Գաղթականն Հայն այդ բժժանքէն դրդուած՝ քանիցս կողողագինն նայեցաւ ի հայրենիս, բայց ո՛չ յաջողդ սերունդը, զի այդ հողին վերայ ոչ պառկեցաւ և ոչ քնացաւ:

Չեմ ուզեր, ո՛ւ աղնիւ Տեարք և Տիկնայք, զՁեզ խռովել, թերևս Ձեր հողին կ'արտասուէ այժմ: Ես իսկ այժմ խռովեալ եմ, վասն զի այսպիսի յիշատակութիւններ մեր սրտին կը դարնեն. թողլով ուրեմն այսպիսի սրտաճմլիկ յիշատակութիւնները, հետաքրքրականները միայն յիշեմ: Հայք ծառու և ջրոտ տեղուանքը սրբազանելով նուիրած են երկնային պաշտպանի մը անուան, զոր տեղ տեղ Բնի մասնէ կ'անուանեն: Հոն կիրակմտի գիշերներ լոյս կը վառեն և կ'աղօթեն: Շատ անգամ ծերուկ պապեր և մամեր դազա հոն առանձնանալով կը յափշտակուին . . . բայց գիշերային այն դով սիւքը և տերևոց շրշիւնը և ջրին լռիկ խոխոյք և լուսնին ամպոց մէջ թաւալն ո՞վ թէ տեսնէ, չ'զմայլիր կամ չ'մոգուիր: Հայոց տարրապաշտութեան ժամանակեայ՝ 3000 տարուան սովորութիւն մի է այս, զոր քրիստոնէական քողին տակ դեռ իւր տեականութիւնն ունի և ազգեցիկ Հայուն սրտին վրայ: Նաև ո՞վ կարող է հա-

մարձակիլ այդ ծառերէն ճիւղ մը կամ տերև մը փրցընելու, նա յանկարծակի գերբնական զօրութենէ կը պատժուի:

Իսկ եթէ մէկը հիւանդութենէ բռնուի, Թուխ մանուկի ծառէն լաթի քուրջ մը կախելու է, որպէս զի շուտով բժշկուի:

Ինչպէս քահանայն տաճարէն ներս մեծ դեր ունի և զօրութիւն, նոյնչափ և աւելին իսկ հաւիճ (1) մամն (յաւերժամամ) ունի տաճարէն դուրսը: Նա իբր փիլիսոփայ և մարգարէ, իրաւարար և դատաւոր իւր պատգամն ունի: Կ'ըսուի թէ կաղ Գրողն (Սուրբ կարապետի սատանան) երբ փոփոյս հաւիճ մամուն ականջէն, սա բնաւ չ'սխալիր: Եւ եթէ սխալի, կաղ Գրողէն է, հաւիճ մամին վրայ ծիծաղելու համար: Կ'երևի թէ այս աւանդութիւնն ալ կռապաշտական է, զի Հայք ունեցած են ի հնուին Աստուած մը, որ մարդոց գործերը կը գրէ եղեր: Բայց մեր հաւիճ մամն ուրիշ պաշտօն ալ ունի, հրաշագործութեան. վասն զի եթէ ոչխար կորսուի, հուսկ ուշ ատեն հովիւն իւր շունչ հաւիճ մամին քով կ'առնու, որ շուտով իւր գայլկապոց կ'առնու, այսինքն փայտ մը և

(1) Զէյթինցիք պէտեւին հաւիճ կ'ըսեն:

չուան, զորս աղօթելով՝ իրարու կը կապէ : Ս.յս միջոցին այն կողմի դայլերուն բերանը եթէ բաց են, բաց կը մնան, եթէ դոց են, դոց, մինչև դայլկապոցը քակուի : Եթէ բնաւ չգտնուի ոչխարը կամ պատառուած լինի, հաւիճ մամն ալ կը բամբասուի, թէ աղօթքը լաւ չէ արտասաներ, կամ թէ ուրիշին ուսուցած լինելուն՝ զօրութիւնն իրմէն փախեր է, այսինքն կաղ Գրողը : Մէկուն թէ ձին կամ ջորին ցաւ առնու, տանելու է գերեզմաննոցը, որուն շուրջն՝ եօթն անգամ դառնալու է : Յղի կին մը դիւրաւ յղանալու համար կամ թուխ մանուկի մը և կամ եկեղեցնակի մը ծառին խոռոչէն սխմուելով անցնելու է :

Հարսնիքը աստուծոյ և շահնայով կ'սկսի ուրբաթ իրկուրնէ մանաւանդ ի կիլիկեան Հայս : Իւրաքանչիւր հրաւիրեալ տանելու է փեսին ի տուն աման մը կերակուր և պտուկ մը գինի : Հալաւին օրհնէքի ատեն փեսայն թագուոր կը դառնայ, երբ ժամուն սաղաւարդը գլուխը և շուրջառ կռնակը կը դրուի, և սուրը մէջքէն կը կախուի, ⁽¹⁾ և փէսաւէրը տանիքին վրայ կարգաւ կը նստին, և

(1) Շատ անգամ քահանայի վերաբերուն վրան կը ձգուի եւ գլխարկը կը դրուի :

բերուած կերակուրները անխտիր ամենուն կը բաժնուին, և կը շարունակուի հանդէսը : Պսակի առաւօտուն փեսայն ի ձի նստելով և հարսն ի ջորի, յեկեղեցի կը գնան : Վերադարձի ատեն ի ճանապարհի կը ցանուին մանր դրամներ կամ հիւլիւներ : Երբ հարսը տանը դրան առջև կը հասնի, կիսովին շերտած նուռ մը ուժգին նետելով ⁽¹⁾ դրան կը զարնէ, կեսուրէն դռնակը կը բացուի, հարսը փեսին հետ թէև ներս կը մտնէ, բայց դրան առջև մեծ աղմուկ կայ, վասն զի փըշուած նուռին հատերէն դոնէ մին վայելելու համար առաջ պատանիք կը կուռին, որպէս զի ամուսնութեան այն ցանկալի օրին բարձր հասնին : Մինչ այսպէս, մատաղը կը կատարուի, և հարսանեկան հուրը կը վառուի երեկոյին, որոյ շուրջն երեքս ման գալով փեսայն կը ցատկէ և այլն :

Կայ ուրիշ սովորութիւն առաւել ի Բարձր Հայս . առաջին իրկուրնէ տիկով գինի բերուելը կ'սկսի, երբ այլևայլ գոյնզգոյն պսակներ կը շինուին, որոցմէ ամենէն աղւորը փեսին համար է : Ս.յս միջոցին սափրիչը կու-

(1) Ի Ղօնեացիս երեք խնձոր կը նետէ հարսն իւրարու ետեւ :

դայ իբր թէ փեսան ածիլելու, սափրիչն օրհնած գինիով փեսին երեսը կը ըուայ. և ահա նշխուն խաչածն փայտի մը վրայ տեսակ տեսակ ազնիւ մրգեղէններ կը շարեն և ծաղիկներ կը հիւսեն, այս փայտին ուր կըսեն, այս ուսցը նախ քաւորը (կնքահայր) կ'առնու և կը մաղթէ. «Աստուած հաց ու գինի տայ մեր փեսին» և այլն. այսպէս բոլոր փեսաւէրը կարգաւ կ'առնուն և կը մաղթեն. յետոյ տէրտէրը սոյն ուսցը աճուրդի կը հանէ ի շահ վանքին: Ով որ թէ աւելի նուիրէ, նա կը լինի ազոյ պաշ, հրամանատար հարսանեաց: Այս միջոցին սափրիչն ածիլելը թէ և կը լմնցընէ, բայց կըրակ պիտակ կը թողու երեսին վրայ, և մինչ կը տաղերգուի, փեսին հայրէն ու մայրէն և բոլոր փեսաւէրներէն ամէն մէկ նուէր առնելուն՝ քիչ քիչ կ'ածիլէ. երբ փեսայն ա'լ կ'ածիլուի, կարմիր թաշկի նակի մէջ դրուած՝ ծաղկազարդ խնձոր մը քաւորը փեսին կը մատուցանէ, զոր կ'առնու ծունկ չոքելով և ա՛յր համբուրելով, և զոր ա՛ջ ձեռքով բերնին վրայ կը դնէ մինչև հարսանեաց չորրորդ օրը. ա'լ այնուհետև փեսայն խօսելու ազատութիւն չ'ունի, այլ իւր կողմէն փոխանորդաբար հարսանեաց ազոյ պաշ: Մի և նոյն ատեն փեսին կողմէն հար-

սընցուին ի տուն ծաղկազարդ և հինայուած ոչխար մը կը խրկուի (1), որ թէ աղջկան առօրին հարսնութեան նշանն է և թէ առաւել հարսնութեանը գինն է: Յաջորդ օրը ոչխար կը մորթուի, խաղեր կը խաղցուին երկուստէք, որոց մէջ նշանաւոր են աշուղներու մրցումը, ուժեղներու մենամարտը, գոմէշներու կատաղի ողորումը: Այս միջոցին փեսայայուին կողմէն ընծայուած հալաւը հարսին կը հագուըցընեն, և քօղը կը ձըգեն, որ քաւորէն ընծայուած է (2): Հուսկ հանդիսով եկեղեցի կուգան և կը պսակուին: Չկնի ժամերգութեան տէրտէրը փեսին կըրանակը շուրջաւ կը ձգէ, և սաղաւարտ ի գլուխը կը դնէ և Աւետարան ի գիրկն կուտայ, զոր հանդիսականք կարգաւ կը համբուրեն: Ապա ի տուն կը դառնան ճամբան ցորէն ցանելով:

Հոն փեսին մայրն իր մէկ ձեռքովս սկաւառակի վրայ բաղարջ և փոխինդ և միւսովը

(1) Հարուսաններն աւելի կը խրկեն. սոյն տեսակ լրտխոտ սովորական է ի գիւղօրէս, մարդն անտուն հետ փոխանակող զարչելի՛ սովորութիւն:

(2) Օժտագինը լրտխոտ ի գիւղականս միշտ փէսն առ հարսն է, հակառակ քաղաքացոց սովորութեանն, որ հարսնն առ փեսայն է:

պտուկ գինի մը առած՝ ուրիշ տարեւոր կրնա
կան մը հետ, որ ահագին պնակ մը բռնած
է, ընդ առաջ կ'երնէ (1), կը պարէ և կը պա-
րեն: Ապա տանը սեմին առջև հարսին և
փեսին համար երկու ոչխար մատաղ կը մոր-
թուի, իսկ տարեւոր կ'ինը պնակն անդէն քօ-
գետին կը զարնէ (2), և մատաղը կը կատարուի:
Վերջին օրը տէրտէրը գալով խնժորը փեսին
բերնէն կ'առնու և ի փոխարէն՝ շուրջառը
կռնակն ու սաղաւարտն ի գլուխ կը դնէ, և
Ս. Աւետարանն ի գիրկն, և յարեւելս տա-
ղերգ կը զրուցեն այսպէս. « այդն արեւուն
տանք բարև, սուրբ Տիրամօր տանք բարև,
տայ թագուհւոյն շատ արև (սուրբ) Լուսաւոր-
չայ տանք բարև, տայ թագուորին շատ արև »:
Արևուն սոյն օրինակ ողջունելն, որ շատ յա-
ճախ է, Հայոց արեւապաշտութեան դարե-
րը կը յիշեցընեն մեզ: Կան և ուրիշ շատ սո-
վորութիւնք մանաւանդ եկեղեցական, բայց

(1) Ի Պարսկահայս եւ ի Սիւնիս սոյն տարեւոր
կ'ինը պնակ մը մեղրով ընդ առաջ կ'երնէ, մատովը
հարսին եւ փեսին բերանը կը քսէ. քաւորը թուրը
բացած դրան առջեւ կը կենայ, որոյ տակէն փե-
սաւէրը կ'անցնին:

(2) Ի Սիւնիս տանը դրան սեմին առջեւ երկու
պնակ կը դրուի, որոց վրայ հարսն ու փեսայն կո-
խելով կ'անցնին:

այս ամէնն այժմ հետզհետէ վերնալու վրայ
են:

Տեարք և Տիկնայք, քիչ մ'ալ վանքերու
վրայ խօսիմ. վանքերն անհուն ծառայու-
թիւն մատուցած են հայրենեաց. հոն է
մեր դպրոցն ու դրանոց, հիւրանոցն ու հի-
ւանդանոց. հոն կը փայլի մեր ազգային յատ-
կանիշը, իւր յատուկ ու զանազան գոյնե-
րովը վանքերու տօնական հանդէսները (բա-
նայիր) քաղաքացին ու գիւղացին, հեռաւորն
ու մերձաւոր իրարու հետ կը կապեն: Այն
օր մեր աշուխներ ու մրցողներ իրենց հան-
ճարն ու ոյժ ազատօրէն ի ցոյց կը հանեն.
այն օր միայն Հայաստանցին ի տրտմութե-
նէ անխառն իւր զուարթ ուրախութիւնն ա-
զատ կը վայելէ, զի այն օրէն աշխարհ կը
պատկառի, զի Գիւրան ու Թիւրք իսկ հոն
հանդիսակից են: Հոգեգալստեան յաջորդ-
չաբաթ օրը Հայերուն հետ Գրդեր և Չա-
զաներ գունդ գունդ կը դիմեն ի Սըրբելը
Ս. Թորոս վանք, որ շինուած է Երզնկայի և
Դերջանի միջև լեռան մը գագաթը: Հոն
Լուսաւորչի խաչափառ քաւոր կը տնկուի, և
Հայաստանը կ'օրհնուի անդաստանի արարո-
ղութեամբ. երբ մատաղը կը կատարուի,
ուխտաւորք իրար հրելով և հրմշակելով սը-

ըրևին քով կը ծեծկուին, որ ծայրը ելնեն
 և խաչը պագնեն և ճարտարն առնեն : Հազա-
 րէն հաղիւ մէկը կրնայ այդ բաղդին արժա-
 նանալ, վասնզի բարձր լինելուն՝ շուլուած
 ատենին վար կ'իյնան, քթերնին կ'արունի,
 և գլուխնին կը վիրաւորուի և այլն . հոն էի
 նոյն օրուան գիշերը, հանդերձ քահանայիւր
 անդաստան ընելով լալով օրհնեցի Հայաս-
 տանը :

Վանքերու տօնական հանդէսներու մէջ
 ամենէն երևելին է Վարդավառը . չկայ գիւղ
 մը և քաղաք, որ սոյն օրը զուարթագին չը
 խայտայ : Այս օրը գեղջուկ թիւրքերն ու
 ֆիւրտեր Հայերէն աւելի կը տօնեն մեծա-
 հանդէս : Այսօր Հայք իրարու վրայ շուր
 սրսկելով և աղաւնիներ արձկելով՝ նոյեան
 դարը կը յիշեցնեն մեզ : Այսօր ~~գարեալ~~ եղն
 ի հանդէս կը հանուի, վասնզի մատաղցու ե-
 ղը ծաղիկներով զարդարելով և գոյնզգոյն
 հինայելով և եղջիւրներուն վրայ մեղրամոմեր
 վառելով՝ ետեւէն և առջևէն սաղ երգելով՝
 ի սպանդ կը տարուի (1) : Կը զարմանամ ոչ թէ

(1) Տեղ տեղ եղին վրայ շուրջառ ալ կը ձգուի
 եւ քահանայք եւ տիրացուք կզգեսաւորուին եւ «օր
 օրհնիս» շարականը ըսելով՝ առջևէն կերթան Մա-
 տաղցու եզին կաշին միշտ վանքին է :

այս տօնին հնութեանը և Հայ և այլազգի ժո-
 ղովորեան վերայ ըրած ամենախորին տպա-
 ւորութեանը վրայ, այլև Լուսաւորչի ունե-
 ցած այնքան մեծ ազդեցութեան վրայ, վա-
 սընզի չկայ տեղ մը ուր Լուսաւորչի չ' յիշուի,
 և կամ յանուն Լուսաւորչի յիշատակ մը չ' լինի .
 դեռ Արարատ աշխարհը կը հաւատայ, թէ
 Լուսաւորչի կանդեղը երկնի և երկրի միջև
 Արագած լերին վրայ կախուած կը վառի . և
 ցորչալի Լուսաւորչի լոյս հաւատը կայ, պի-
 տի չմարի (1) : Ո՛վ սուրբ ուսմիլութիւն :

Իսկ հիմակ պիտի ասէք ինձ, աղնիւ
 Տեարք և Տիկնայք, թէ այսքան շէն ու ան-
 շէն վանքեր ու եկեղեցիներ յիշատակեցիր,
 դպրոցք չկան . — ո՛չ, պիտի պատասխանեմ
 չկան : Այս բառիս լաւ ուշագիւր եղիք : Շատ
 գիւղերու մէջ թէև կան ախոռի պէս շէն-
 քեր իբր դպրոց, բայց հոն շատ քիչ տղայք
 կը յաճախեն ձմեռ ատեն, իսկ ամրան ո՛չ .
 թէև մերկններն այլազգի գիւղերուն առջև

(1) Հայք Լուսաւորչի հաւատովն ազգային ե-
 կեղեցւոյ կապուած են, աղանդաւորք սոյն ազդե-
 ցութիւնը լուսաւորեալ Հայուն առջև ոչնչացրնե-
 լու համար Լուսաւորչի վրայ հռչակած են, թէ Հա-
 յոց մեհնական գրքերը նա մոլեռանդաբար այրած
 է, մինչդեռ ժամանակակից պատմիչներէն այդպի-
 սի վկայութիւն չկայ :

դերազանց են, զի ունին քահանայէ զատ մէկ երկու գրող կարգացող *Դերաց* անուամբ, իսկ այլազգ գիւղերու մէջ ո՛չ բնաւ բաց ի հոլայէ կամ *Բիւրէ* մը: Մեր եկեղեցւոյ պատարա- գի և ժամերգի արարողական դրութենէն՝ որ առանձին քահանայով մը կատարել կարե- լի չէ, ահա սոյն օրինակ արդիւնք յառաջ եկած է յօգուտ ազգի: Իսկ քաղաքներն ար- դարև ոչ թէ առաւել չքաւորութենէ, այլ ուրիշ սնտաի պատճառներէ չեն յաջողած ու- նենալ ուսումնական պայծառ վիճակ (1): Փառք Աստուծոյ, այս միջոցին քանի մը լն- կերութիւն կազմուելով աստ, ի Հայաստան դպրոցներ բանալու մեծ ճիգ մը կայ. ան- հուն շնորհակալիք այնպիսի ազգասէր և ե- ուանդո՞ւն անձանց:

Իայց պիտի ասէք, գոնէ դուք վարդա- պետներդ դպրոց բանալու էք: այո՛, բանալն ու անուանակոչելը դիւրին է, և այս է որ

(1) Օրինակ՝ Կարինը, ուր ազնուական դասն իւր հաշուոյն ունի առանձին վարժարան, որով ազ- գայինն անկեղանոց դարձած է աղքատին տղայոցը: Եւ Երզնկա, որ իւր չորս եկեղեցիները չորս թաղի բաժնուած՝ չորս հակընդէմ դպրոցներով ուժէ ան- կած է: Եթէ միաբանութեամբ գործեն Կարին և Երզնկա, յայտ է թէ միեւնոյն ծախսով որպիսի յա- ուաջադիմութիւն պիտի ունենան:

տեղեկագիրներու մէջ դպրոցներ կը յիշուին, այլ բացուելէ յետոյ կը գոցուին. պատճա՞ռ. — Ա. Ժողովրդեան այս հաւատքը թէ գրել կարդալը եկեղեցականաց յատուկ է, իսկ ի- րենց համար անպէտ և անօգուտ. Բ. աղ- քատութիւն. որով ընտանեաց անկարելի է աղաքնին ամբան ի դպրոց յղելը. Գ. դրքի, թղթի մանաւանդ քերականներու չգոյու- թիւն. Դ. դպրոցական պիտոյքներու վոխա- դրութեանը համար անտանելի դժուարու- թիւններ (1). Ե. տիրացուներու կամ վար- ժապետացուներու քչուորութիւնը: Արդ՝ այն երկրին մէջ՝ ուր դաստիարակութիւնը պար- տաւորիչ չէ և նիւթական միջոցներ չկան, ի՞նչպէս կարելի է միայն բարոյական միջոց- ներով ուսումը տարածել . . . :

Հայաստանի այս ներքին վիճակի վրայօք, Տեարք և Տիկնայք, շատ լաւ տեղեկութիւն ունէին Լազարէֆ և Տէր Ղուկասօֆ զօրա- պետք և ուրիշ Հայազգի պաշտօնաւորք: Ետ- քա ինձ հետ ի Կարին, ի Կարա, յԱխլցխա,

(1) Օրինակ. Քղի 40,000 էն աւելի ժողովուրդ կայ, բայց հեռագրատուն մը անգամ չկայ, որոյ հաս- տատութիւնն այնքան մեծ բան մը չէ, արդ՝ երբ այս այսպէս, ի՞նչպէս կարելի է յուսալ Թիւրքիայէն ճամբաներու շինութիւն, որոյ ծախսը յոյժ մեծ է:

ի Պայազիտ և ի Թիֆլիս երբ տեսակցեցան ,
 ցաւ յայտնեցին թէ ի՞նչպէս մինչև ցարդ
 Թուրքիոյ Հայաստանն այս օրինակ մուցուեր
 է և լքուեր , մինչ Սուլթանին կառավարու-
 թիւնը Հայոց մի Սահմանադրութիւն շնոր-
 հած է , որով ազգին կը թողու իւր ներքին
 դործոց անկախ և ազատ մատակարարութիւ-
 նը : Ո՛չ , չեմ կարող ուրանալ Ռուսահայ պաշ-
 տօնաւարացն առ հայրենիս բարձր զգացում
 ները : Սորա արդարև մեծապէս նպաստե-
 ցին Ռուսի այն քաղաքականութեան , որ Հա-
 յը Հայաստանի մէջ թողուլ կը վճռէր :

Մինչ Թուրքիոյ Հայաստանեայք այսպէս ,
 Ռուսահայք այժմ ամենամեծ ջանք ունին
 յառաջադիմութեան . ամեն ուրեք դպրոց-
 ներ կը բացուին , դրքեր կը տպուին և կը
 ցրուին , յանուն ազգի և հայրենեաց եռանդն
 ու խանդ կ'արծարծի . մինչ ժողովուրդն այս-
 պէս , հոն եկեղեցականք ընդհակառակը
 դէթ ազգային եկեղեցւոյ շրջանակին մէջ
 դործելու կը գեղեկին . . . :

Տեսարք և Տիկնայք , երբ ա՛լ վերջացած
 էր ուղևորութիւնս , ահա ի Թիֆլիս դոյժ
 հասաւ թէ Պայազիտցիք և Ալաշկերտցիք ան-
 տէր ըլլալուն՝ դաղթելու վրայ են . ես կար-
 սէն հոն չէի գացած , կարծելով թէ հոն ա-

ռաջնորդ վարդապետը պէտք եղած կերպով
 կը վարուի . մանաւանդ հոն երթալու պարտք
 ալ չունէի , զի կոնդակս գոնկրէէն յառաջ
 դրուած լինելուն , նշանակուած չէին այդ
 դաւառները . Թիֆլիսու լրագրական խմբա-
 գիրները թախանձեցին զիս , որ հոն հաս-
 նիմ . յէջմիածին հանդիպելէ յետոյ՝ որպէս
 զի կաթողիկոսէն յանձնարարադիր առնում ,
 զոր և չյաջողեցայ առնուլ , ի Պայազիտ հա-
 սայ : Անմիջապէս ձիաւոր մարդ յղեցի յԱ-
 լաշկերտ Ս. Ռաջնորդ . Յովհաննէս վարդապե-
 տի , որ գիւղապետները ժողովէ ի վանս . և
 ես Պայազիտի կողմինները ժողովելով՝ հոն
 հասնիմ , որպէս զի ժողովուրդն իւր գիւղա-
 պետներուն սպասելով՝ չդաղթէ , և երկու օ-
 րէն Օսմանեանք հասնին և վախի տագնապը
 անցնի : Մինչ այսպէս , դոյժ հասաւ թէ մի
 քանի գիւղեր դաղթելու վրայ են , ետևնուն
 հասայ . յայտնեցի թէ դաղթելին անօգուտ
 է , թէ այս անգամ Ռուսի կայսրը դէմ է , և
 ոչ հող և ոչ վոյլ պիտի տայ , այլ ետ պիտի
 դարձնէ , ահաւասիկ Պատրիարքէն ապա-
 հովութեան կոնդակ և Լազարէֆէն և Մեծ
 Դքսէն արդիւման հրամանադիր : Լացին ,
 վասն զի յիմարաբար կարծած էին թէ Ռու-
 սիա իրենց պիտի օգնէ , ուստի և իրենց ար-

ներն ու ցորէն և խոտեր այրած էին . եթէ
 յետս իսկ դառնային , ի՞նչ պիտի ընէին
 Ի վերջոյ յիկտիր այդ գաղթող ժողովուրդը
 հանդարտեցի և ազգային նպաստի վրայօք
 վստահեցուցի և դարձայ յէջմիածին :

Ահա այս երկրորդ գաղթականութիւնն
 ևս այս կերպ վերջացաւ , որ տեղի ունեցաւ
 միայն էջմիածնի անհոգութենէն , խօլական
 երկիւղի մը սոյն համբաւէն թէ Գրդերը պի-
 տի ջարդեն Հայերը , նաև սոյն սուտ համ-
 բաւէն թէ Ռուսիա գաղթելոց հող ու փող
 պիտի տայ : Իսկ առաջին գաղթականութեան
 պատճառն ահաւասիկ . Ռուսիոյ և Թուրքի-
 ոյ պատերազմին սկզբնաւորութեան ատեն
 Յովհաննէս վարդապետ իւշքիլիսէ վանքին
 պահպանութիւնը Գիւրտերու կը յանձնէ , փո-
 փոխակի խոստում առնելով և տալով՝ որ Ռու-
 սի դալու ատեն Հայք Գրդերը պահպանեն ,
 և Թուրքի դալստեան ատեն չթողուն Գիւրտք
 որ վանքը կողոպտուի . այս միջոցին Տէր
 Ղուկասոփի յառաջապահ գունդը հասնե-
 լով վանքը Թրքական ամբոց մը կարծելով
 կը յարձակի , և ումբակոծելով վանքը , կ'այ-
 րէ կը կործանէ բայ ի հսկայաչէն տաճա-
 րէն , ուր և Գրդերը մի առ մի ոչխարի պէս կը
 մորթուին , իսկ վարդապետն իբր Թիւրքերուն

կողմնակից և Ռուսական բանակին արհա-
 մարհող խաչիւ և բուրվառով չդիմաւորելուն
 պատճառաւ՝ Տէր Ղուկասոփէն կը յանդի-
 մանուի , սոյն օրինակ Հայոց վանքին մէջ
 Գրդերու սպանութիւնը բնականաբար տը-
 խուր տպաւորութիւն կընէ շրջակայ Գրդե-
 րու վրայ ի մասին Հայոց հաւատարմութեան
 և անկեղծութեան , ուստի երբ քիչ ատենէն
 Ռուսական բանակը կը հարկադրուի յետս
 նահանջել Օսմանցոց բանակի առջևէն , Հայք
 խաբուելով սոյն համբաւէն թէ Գրդերը վը-
 րէժ պիտի լուծեն և թէ դՀայեր ջարդելով
 վանայ կողմերէն արդէն կուգան կը հասնի ,
 անմիջապէս եղնավար սայլերնին լծելով՝ առ-
 հասարակ գաղթելու կ'ենեն : Այս խուռն
 անկարծելի գաղթականութիւնը Ռուսական
 բանակի փախստի ընթացքին անգամ ար-
 դելք լինելուն՝ Տէր Ղուկասոփ թնդանօթի
 որոտումներով ճամբայ բանալ կը հրամայէ
 . . . : Այս գաղթականութիւնը կը պատա-
 հի ամառուան ամենախիստ տաքերուն , և
 ժողովուրդը սարսափելի մահու կոտորած կը
 կրէ Երևանայ դաշտի և էջմիածնի մօտը :
 Բայց Գրդերու կողմէ ըլլալիք այդ կոտորա-
 ծըն արդեօք ստոյգ էր . ո՛չ , վասն զի այն
 Հայեր որ յամառելով չէին գաղթած մանա-

ւանդ քաթօլիկներ, ամենևին այդպիսի կոտորածի չեն հանդիպել, միայն թէ քանի մը գիւղերու մէջ քանի մը Հայեր սպանուեր են Գիւրտ և Թուրք դասալիքներէ: Նոյնպէս Իսմայիլ Հագդը վաշայի զօրաբաժինը Պայաղիտը երբ կը պաշարէ, Ռուսք ներսէն և Օսմանեանք դրսէն հետոյհետէ անընդհատ 22 օր թնդանօթի ուռմբերով զիրար հարուածած ատեն՝ 90 էն աւելի Հայեր կը մեռնին, մինչև Տէր Ղուկասօփ կը հասնի. և Պայաղիտցի Հայք այս միջոցին Թիւրքերէն կը կոտորուին և սարսափահար կ'ապաստանին ի Մակու քաղաք Պարսկահայոց, ուր Պատրիարքարանէն հասած նախատին վրայ յոյժ կը դռհանան:

Քիչ մ'ալ Խիկարի վրայ խօսիմք, Տերաք և Տինայք. սա Եզրբոսի և Նասրէտտին-խօճալի նման ամէն տեղ իւր անուն ու յիշատակութիւն ունի (1): Այսպիսի համբաւուոր

(1) Խիկարի անուամբ եղած Հալաք և Բէլ անածներն ի ձեռն Գեր. Գարբիէլ արքեպիսկոպոսի Այվազեան տպուած են ի Կ. Պօլիս, Նսկ առակներէն յիտունը ցարգ անտիպ եւ դուռ Հայկական պիտի հրատարակեմ երբ միջոց ունենամ: Նոյնպէս Հայաստանի բոլոր գիւղօրէից եւ քաղաքաց ցանկի եւ ուրիշ այլ եւ այլ գիտելեաց տպագրութեանը պիտի գործածուի սոյն վրքուկին հասոյթը: Այս ալ ձեր նահատակու

մարդու մը վրայ կը ձգուին այն ամէն առածներ և առակներ, որք պառաւ ու ծեր պապիկներու և մամիկներու բերնին մէջ կան, և շատն ալ քիչ քիչ Թրքանալով և Գրտանալով ազգային յատկանիշնին ալ կորուսանելու վրայ են. այս մասին Հայաստանի աշուխները յիշելով կրնաք համոզուիլ ըսածիս ճշմտրտութեանը: Հայ աշուխք յաճախ ամէն տեղ մինչև վանքերու բանայիքներու մէջ անդամ իրենց տալն ու երգ գրեթէ հայերէն չեն զրուցեր, այլ առաւել քրդերէն և թրքերէն, հետևաբար այսօր շատ քիչ Հայկական շէնք շնորհք տալերգ և կամ զրոյցներ ունիմք, ընդհակառակը քրդական և թրքական խիստ շատ, որոց հեղինակներն ամէն տեղ և ամեն ատեն Հայեր են եղած:

Ահա մի առակ. օր մը օձն աղուէսին կըսէ. «Նայէ դուն անասուններուն մէջ ամենէն խելացին ու խորամանկն ես, ես ալ սղուուններուն մէջ, ուրեմն սիրով և խորհրդով իրարու հետ ապրինք ու տիրենք նոցա»: Եւ կը միաբանին. բայց զի չտրերուն միաբանու-

թեան բաժինն է, ո՛վ խելճ աղղի մը մատնագրապէս ծառայողներ, մէկ կողմէն տպագրութեան եւ միւս կողմէն հրատարակութեան նիւթ ձարել եւ ծաւալել . . .

Թիւնը տեւական լինել կարելի չէ, օրին մէկ ջրի մը մօտ օձը կանգ կ'առնու. աղուէսը կը հարցնէ թէ «ինչո՞ւ չանցնիր ջրէն անդին. — Ինչպէս անցնիմ, երբ լողալ չգիտեմ. — այդ ալ բան է, վիզս կը պլլուիս, և դքեղ կ'անցընեմ»: Երբ ջրէն ելնելու կը մերձին, օձն ըստ որում չար ի բնէ, «սխմեմ աղուէսին վիզը և թող սատկի, յետոյ ես գլխին ծուծը կուտեմ»: Երբ այս խորհածն ի դործ դնել կ'սկսի, աղուէսն այն ատեն կ'սթափի. բայց ինչ ընէ, թշնամին վղին փաթթուած է, ուստի հառաջանօք լեզու կը թափէ, «ա՛հ, կըղզամ թէ մահս մօտեցած է, պզտիկցուց ի վեր զայնին ցաւ մը ունիմ, որ զիս ցնցելով՝ խղդելու կը հասցնէ. շատ ատեն սիրով ապրեցանք, ինչան սիրոյ ինչ կըլլար, զլսիկդ երկընցընէիր պաշիկ մը առնէի և մեռնէի»: Օձը հուսկ կը համոզուի, և գլխիկը կ'երկարէ. իսկ աղուէսն յանկարծ կը թոթուրուի և կը յաջողի օձին գլուխը բերնին մէջ ախաաներուն տակ առնելով՝ ճզմել և սատակել: Ջրէն աղուէսն ելնելով՝ օձն ալ վրայէն վար կը նետէ. որովհետև օձերը սատկած ատեննին երկար բարակ կը փռուին, աղուէսը կը դառնայ և օձին ախանջն ի վար կը փսփսայ. «օձուկ աղբար, աշխարհիս մէջ ընկերաբար ապրելու

համար, ինչպէս երկար բարակ շտկուեր ես, սրտով ալ ատանկ շիտակուկ ըլլալու է, և ոչ թէ ծուռիկմուռիկ»:

Ալ բաւական կը համարիմ խօսիլս, Տեարք և Տիկնայք, թողլով վանն ու Մուշը. ամէն ուրեք ես Հայը քննեցի և զննեցի, զոր և համառօտ մը ձեր առջև դրի. ահա առջևնիդ կայ Հայաստանը, վիրաւոր և հոգեւարք: Կը խոստովանիմ թէ վերկութիւնը կարելի է, երբ Հայն լուսաւորուի. զի այն ազգեր, զորս յիշեցի, Հայուն հետ արգէն բնակակից են, և շահերով իրարու հետ կապուած, խառնուած և զուգուած, և թէ դիր ու դպրու թիւն չ'ունին, և թէ թուով ⁽¹⁾ և թէ բարոյական և միջև իսկ նիւթական վիճակով Հայէն ստորին են: Սոքա պիտի խոնարհին, զի անկարելի է, որ այսուհետև լոյսը խաւարին տեղի տայ, և յաղթանակը դործունեայ և բարոյական մարդուն կամ ժողովրդեան չը լինի:


Ձեր ուրեմն, ո՛ր աղնիւ Տեարք և Տիկնայք, երբ սրտին թելեր կը թրթռան ի յուշ հայրենեաց, մի՛ վհատիք. հաւատացէք, զի հա-

(1) Թիւրքը քաղաքաց եւ Հայք դաշտերու մէջ իսկ Քիւրքը լեռներու վրայ համեմատաբար թուով աւելի են ամեն ուրեք. բայց միահամուռ Հայք աւելի են թուով:

յաստանի Բնական դերձիս իսկ կարող է Հայը փրկել, եթէ վայլուն բայց սուտ խոստումներէ և խօսքերէ, պայծառ բայց խարդախ ձևերէ զգուշանալով՝ անի գործեմք: Յիշեցէք, թէ դուք սերունդ էք այն աղնիւ ազգին, որ հինն է իւր պատմական կեանքով, որ աղնուականն է իւր առաքինութեամբ, որ ճարտարն է տուրևառով, որ վեհն ու գեղեցիկն է իւր հոգևոյն ու մարմնով: Յիշեցէք, որ դուք այն ազգէն էք, որ առաջին անգամ մարդկային ամբարշտութիւնը պատժեց իւր Հայկովը, որ Յէ տարի կուռելով մերթ Պարսից և մերթ Յունաց դէմ իւր ազգային անկախութիւնը պաշտպանեց իւր հէք Արշակովը, որ առաջին անգամ Հեթանոսութեան դէմ կուռելով՝ խաչը պաշտպանեց իւր կարմիր վարդանովը, որ առաջին անգամ Մշոյ դաշտի մէջ Մահմետականութեան դէմ կըռուելով՝ խաչը գրկեց իւր Տիրանոյն ու Սուրբ բանակովը: Յիշեցէք, որ դուք քանի կենդանի էք, կենդանի Հայ հոգևով, կենդանի՝ Աշոտայ սրտով, կենդանի՝ Ռուբէնի եռանդով, հաւատացէք թէ Հայաստան կենդանի է, կենդանի՝ պիտի մնայ, ազատ և անկախ և փառաւորեալ:

ԱՉԳԱՀԱՄԱՐ ԲԱՐՁՐ ՀԱՅՈՑ

Ռուսահայք	1,000,000	
	420,000	Հայ
	90,000	Թիւրք
Կարին, Խնուս, Բասեն, Պայազխ, Բաբերդ, ԸՍպիւր, Կիսկիմ, Բորթում և Բղի	35,000	Թիւրք
	40,000	Չաղա
	10,000	Թիւրք մէն
	5,000	Եէզլաի
	2,500	Չէրքէս
	5,000	Յոյն:
	50,000	Հայ
Երզնկա, Կամախ, Քուրիչայ, Կերճանիս, Եւ Խողաթ և Օվաճըզ	40,000	Չաղա
	35,000	Թիւրք
	5,000	Թիւրք:
	127,000	Հայ
	20,000	Թիւրք
Մուշ	20,000	Թիւրք
	15,000	Չաղա
	6,000	Չէրքէս:
	184,000	Հայ
Վան	90,000	Թիւրք
	20,000	Թիւրք
	80,000	Ասորի:
	40,000	Հայ
	30,000	Թիւրք
Աղերս	5,000	Արաբ
	7,500	Չաղա
	18,000	Եէզլաի:
	40,000	Հայ
	7,000	Թիւրք
Տիգրանակերտ բաց ի քաղաքէն	35,000	Թիւրք
	25,000	Չաղա
	16,000	Ասորի:



10w

ՀՀ Ազգային գրադարան



NL0001659

ՀՀ Ազգային գրադարան



NL0001660

5594-5600

ՀՀ Ազգային գրադարան



NL0001661

5951000

ՀՀ Ազգային գրադարան



NL0001662

2013

ՀՀ Ազգային գրադարան



NL0001658

ՀՀ Ազգային գրադարան



NL0001663

ՀՀ Ազգային գրադարան



NL0001561

